

清徐國師華嚴

流鈔

如來現相品

宿

C40  
4514  
240



60

1 2 3 4 5 6 7 8 9 10 1 2 3 4 5 6 7 8 9 10

C 40-4641

了翁上座謂大藏及有  
家書置之武州紫雲山  
找他塔院庫中永  
為學者不敢許出院內  
當山二世鐵牛機譯誌



B 64853

# 大方廣佛華嚴經疏鈔卷六之一

于闐國三藏沙門實叉難陀

譯

清涼山大華嚴寺沙門澄觀撰述

## 如來現相品第二

疏將釋此品。四門分別。一來意。二釋名。三宗趣。四釋文。然下諸品多用此四。若有增減。至文當辨。

今初來意中二先分來後品來。今初三分之中。自下正宗。由致既彰。正宗宜顯。故次來也。四分之中。已明教起因緣。次辯說法儀式。故次來也。二品來者。曲有二義。一前辯衆集。尋顯疑現相。二前明舊

1 2 3 4 5 6 7 8 9 10 1 2 3 4 5 6 7 8 9 10

衆今辨新集故次外也。

金四分之中者。四分卽

舉果勸樂生信等四分。以四分科。第一會名舉果勸樂生信分。六品分三。初品明教起因緣分。次二品明說法儀式分。後三品正陳法海分。初分已竟。次有說法儀式二品經來。此是四分科中第一分內三分之中第二分來。舉其大科。故云四分之中對前序正流通三故。

疏二釋名者。一分名正宗者。正陳宗旨。據序流通。若四分中名舉果勸樂生信者。舉依正果。勸物信樂。是故亦名所信因果。亦名說佛依果會。以從多

說故。鈔以從多說者。此通妨難。然有二妨。一云以文從義科中。名所信因果。經中復有遮那品。因何以問答相屬科中。但名舉果勸樂生信分。隨其本會科中。但名說佛依果會耶。故此答云。以多說果。以因少故。如河少水。亦名無水。如乳有水。但名爲乳。勸物信樂宜舉果。故第二妨云。上云舉佛依正二果。勸物信樂。何故隨會。但云說佛依果會耶。故此答云。多說依果。少說正故。亦以本意在於依果。正報之果。第二會去。方始說故。

疏二品名者。如來是能現聖人。相是所現之法。現

通能所能所合說。體用雙隣以立其稱。然如來現相各有五義以成其十。如來五者。一就理顯謂法性名如來。出障名來。二唯就行。瑜伽云。言無虛妄故名如來。涅槃三十二亦同此說。三理智合說轉法輪論云。第一義諦名如。正覺名來。正覺第一義諦故名如來。此與成實大同。四離相說。般若云。如來者無所從來。亦無所去。故名如來。五融攝說。謂一如無二如。若理若智。若開若合。無不皆如。故名爲如。如外無法。來亦卽如。如是來者。是真如來。現相五者。一現面門光相。召十方衆。二現眉間光相。示說法王。三振動利網。以警羣機。四佛前現華。表說依果。五白毫出衆。表教從佛流。如是等相。是如來現相品中辯此。故以爲名。鈔涅槃三十二者。卽是北經。是樹提伽長者父之親友讚佛功德。復問佛云。何名如來。佛云。長者。如來世尊。於一切法知見無礙。故名爲佛。發言無二。故名如來。斷煩惱故名阿羅訶。世尊所說。終無有二。釋曰。無二卽是無虛妄也。此與成實大同者。成實云。乘如實道來成正覺。名來。以如實道。亦通萬行。故言大同。若理若

智者。若理卽第一釋。若智卽第二釋。若開卽雙明。前二若合者第三釋。其第四釋義通理智。亦兼開合。謂例大品云。諸法如卽是佛。諸法如則無來無去。此則唯約理釋。二云心無動搖。智絕真妄。則約智說。無有來去。三若以心無來去方契如如體無來去。則通合說。故但判爲離相釋耳。以離一切相名諸佛故。現相五者下。二釋現相。然五各二句。一句辯相。一句辯意。如一云現面門光相者。辯現相也。召十方衆者。卽彰所以。下四例然。

疏三宗趣亦二。一分宗。三分正宗。已如上說。四分

之宗。卽以佛果無邊利海。具三世間無盡自在。故以爲宗。令諸菩薩生淨信修行涉求。以之爲趣。二品宗者。以光相表示爲宗。令上智玄悟爲趣。鈔卽以佛果者。然華藏品猶自有邊。有金輪山蓮華外故。此外更有別利海故。而彼文云。法界無差別。已無邊矣。况世界成就品云。十方利海叵思議。佛無量劫皆嚴淨爲化衆生使成熟出興。一切諸國土。又偈中云。所說無邊衆利海。毘盧遮那悉嚴淨。世尊境界不思議。智慧神通力如是。則利無邊矣。具三世間者。無邊利海。卽釋世間。毘盧徧興。卽智

正覺利網所持。如來所化。卽衆生世間。言自在者。三種世間。互相卽入。隱顯重重。皆無礙故。華藏偈云。華藏世界所有塵。一一塵中見法界。寶光現佛。如雲集。此是如來利自在。故無盡之義。卽是無邊。況三皆無盡。

疏四釋文者。此下二品說法儀式。是當分方便。卽分爲二。初現相品。爲遠方便。後三昧品。爲近方便。今初一品。大分爲六。一。衆海同請。二。光召有緣。三。衆召雲奔。四。現瑞表說。五。稱揚佛德。六。結通無窮。今初先以五門料揀諸會請問之殊。一。問之有無。

二。所問法異。三。能問人別。四。儀式不同。五。疑之權實。

疏初中前二後二。此四有問。中五皆無。謂初會標果起因。故問。第二會尋因至果。故問。但因有升降。寄六會以答之。果無差別。第七當會答也。然諸會更有問者。並當會別義。以總收之。或重明於前。非大位問。第八會明因果純熟。故湏有問。謂行修無礙。六位頓成。故當會答。第九會明稱性因果。故別有問。謂俱入法界無差別故。亦當會答。四處都有三百一十句問。謂初及第二。各四十問。第八二百。

123456789

123456789

第九三十中本廣本問則難思。鈔初會標果者舉果卽是標果勸樂生信。卽是起因。第二會者次第修因。卽是尋因契果。卽爲至果。果無差別者。有二義。一對上六會不同。今但第七一會中答。由第七會六品是因。不言一會答也。二者不對前六。但第七會中六品因圓。五品果滿。與因同會。故云當會。當會因圓中。卽明果滿。故云當會。此中應有問云。若果無差別。何不別一會答。故今答云。欲顯因圓。便得果滿。故當會答。若更別會。便與因圓不相攝。故前六品。望前是因。後屬果。然諸會下通

妨。爲有問言。九會之中。皆有問答。何判唯四。如第二會中十首相問。第三會中正念天子及天帝釋俱問法慧。第四會中精進林問功德林答。第六會中解脫月問金剛藏答。第七會中大衆念問如來功德。豈非問耶。唯第五會無有別問。何得獨判唯四會問。故今答云。並當會別義耳。以總收別者。第二會問。但十信收。第三會問。卽十住收。第四會問。卽十行十藏所收等。故云以總收之。或重明者。如不思議法品十問。但重舉第二會初後十問耳。謂已答因竟。將欲答果。因果懸絕。故於果初重復念。

請亦表果德是所重故第八會明因果者初會已信次七已解故云純熟謂行修無礙下彰當會答由二義故當會答之一行修無礙故謂取前六位所修之行諸位通修不隨位局故云無礙既沒位名則無優劣故當會答二者六位頓成設爾有位一時頓成異乎約解差別因果故一會答此言當會者當會問答第九會者謂既證法界則異前八前八但明於信及解行故四處都有下結成問數

疏一所問異者初兩會問果廣因略爲成信解故

第八會問因廣果略爲成行故第九會問全同初會而因舉主佛之因明因是果因顯唯證故鈔初兩會者初會四十句問初二十句問果次十句通問因果唯後十句問因故云因略第二會四十句問唯第二十句問因餘三十句皆是問果故云果廣初會爲成於信舉果令信故第二會爲成於解果相難知故廣舉之第九會問者此中十因皆云一切菩薩則通餘也法界中十因但云顯示如來往昔趣求一切智心往昔所起菩薩大願等故是主佛之因言明因是果因等者釋成第九舉主佛

撰述

華嚴疏錄卷之二十一

疏

因義謂因是得佛竟因。非是菩薩正修之因。因果皆證入故。

疏三能問人異者初及第九皆同生異生二衆齊問以所問法衆同依故第二會中唯同生問以所入位同生勝故八唯同生一人自問以造修之行各自成故。

疏四請問儀式復有二義一約言念二約通別初中請有二種一言二念答亦有二二言答二示相交絡相望應成九句在文唯四初會之中具二問答謂現相品長行念請供聲言請初光示法王現

華表義現衆表教卽二相答三昧品中以言重請下之三品亦以言答第二會唯念請如來示相答菩薩言說答佛心自在不待典言佛力殊勝現相能答第八會言請言答此顯菩薩不同佛故第九會念請示相答顯以心傳心唯證相應離言說故二通別者初後二會別問通答二八兩會別問別答又初會亦得是別問別答次文當明鈔交絡相望者一言請言答二言請示相答三念請言答四念請示相答五言請言及示相答六念請言及示相答七言念請言答八言念請示相答九言念

1 2 3 4 5 6 7 8 9 10

請言說示相答。初四以單皇單。次二以單問對複答。次二以複問對單答。後一複問複答。今會正當第九第二會卽第六句。第八會卽第一句。第九會卽第四句。

疏第五疑之權實者。問諸王菩薩位皆圓極。何得有疑。有云爲衆生疑故。有云希佛果故。又顯因果懸隔故。然上二解初權後實。並皆有理。可通餘教。然此經中若實若權無非法界之疑。以疑爲有力。與所說證爲緣起故。此事舊爾。海印頓現。疑之與答。念念常疑。念念常斷。其猶像模。因模之高成像之下。因模之下成像之高。緣起法界理應爾故。鈔然此經中下申正義。非斥權實爲不當理。但成緣起有異昔人言此事舊爾者。法界之中法爾有此疑與答故。海印頓現者。疑之與答皆佛現故。由上二義故。疑答皆常。其猶像模者。假以喻顯。以模喻疑。以像喻答。像因模有答假疑成。

爾時諸菩薩及一切世間主作是思惟。

疏次正釋文文分二別。先長行念請後供聲偈請前中亦二。先舉人標念謂盡於衆海皆希佛境。並欲利生成緣起門故標同念。

引例中問。同此直請。正欲顯於諸佛道同。影略之義。鈔皆希佛境者。總收上三皆希佛境。卽上實疑。並欲利生。卽是權疑。成緣起門。卽是正義。故入大乘論第一偈云。薄福之人。不生於疑能生疑者。必破諸有。故下偈中下。以義成立。引二文證。一引偈文。直爾問中。已具列故。二引後會。彼中引例。同

此直請。彼中直請同此引例。二文相對。則直爾引例。皆合四十。其義明矣。正欲顯下結成。上義既引例。直問皆具四十。明是道同。佛道既同。知文影略。所以要此二勢問者。直請以尊王佛。引例爲顯道同故。

疏又四十句中。初二十句問果。後十問因。中間十句明化用。普周通問。依正染淨因果。前是所求。後是所行。中是所知故。分是舉果。故先問果。鈔分是舉果下通妨。此有二妨。一對上言因。是所行理。合在前故。今答云。分是舉果。故先問果。

1234567890

1234567890

疏三釋文據斯義類亦可分三今以兩段皆有結請故但分二前中亦二先正疑念後明結請今初前十句問德用圓滿後十句問體相顯著今初十句文唯有八偈有神通及自在二問世界成就品初答中亦同此有今文闕者或是脫漏或是義舍無能攝取之中攝此二故故下法界品中闕無能攝取及與神通唯有自在故此三事合則可一開則爲三故出沒不同鈔二據斯下對科文難旣義有三節何不分三以義從文故分爲一二二段之中皆有結故故此三事等者可一故沒可三故出

此文無能攝取中攝於自在及與神通法界品中復以自在攝於神通及無能攝取亦合有於神通攝無能攝取及與自在問中略無餘經則有五何是諸佛地

疏言佛地者卽智德分位鈔卽智德者正是出體非斷德故言分位者便彰地義

疏然此經宗通收萬德故廣則無量略有十種如上所引同性經說然體不出五謂清淨法界及與四智以斯五法說大覺性具如佛地經及彼論說然要唯有一無所不攝謂真理妙智融而無二是

釋迦

華嚴疏錄卷之二

三

而

諸佛地。鈔然此經宗下。二辯類自寬之狹。總有五重。一無量法界融故。二略有十者顯無盡故。三然體不出五者。尅實體故。具如佛地經者。卽五法攝大覺性。謂一真法界。四智菩提。又論第一釋佛地名云。地謂所依所行所攝。卽當所說清淨法界。大圓鏡智。平等性智。妙觀察智。成所作智。受用和合一味等事。是佛所依所行所攝。名佛地。然要唯有一二下。第四攝五爲二。五法之中。四是智。故金光明云。唯有如如及如如智獨存。名法身故。融而無二者。五攝二爲一。謂無有智外如爲智所證。亦無

如外智能證於如。故融無二。又融無二者。總融五節。爲無障礙如來地矣。

疏並有生成住持功能。故名爲地。鈔並有生成者。三釋名。此有三義。一能生萬德。二成熟自他。三任持萬德。萬德依住故。如下十地中明疏此句爲總。該攝諸德。下明佛果。皆答斯問。鈔此句爲總下。四結示。結示是總。總持諸德。及示答文。

云何是諸佛境界。

疏二佛境界下。諸句皆別明佛地之德。言境界者。

123456789

123456789

悲智所緣故亦分齊故廣亦無量略有十種如出現及問明不思議品廣說。鈔三廣亦無量下三約類開合亦有五重一廣亦無量無一境非佛境故二略有十種下寄圓說十於中有二先正說三種十。

疏然出現多明體徧不思議品以辯超勝故云十種無比境界問明該其因果體用小有不同至文當知鈔然出現等者二棟三處不同謂出現品卽五十二云佛子菩薩以無障無礙智慧知一切世間境界是如來境界知一切三世境界一切刹

境界一切法境界一切衆生境界真如無差別境界法界無障礙境界實際無邊際境界虛空無分量境界無境界境界是如來境界佛子如一切世間境界無量如來境界亦無量如一切三世境界無量如來境界亦無量如無境界境界一切處無有如來境界亦如是一切處無有等釋曰此卽明體徧義也言多明者一切處無有亦顯深義也不思議品者四十六經云所謂一切諸佛一跏趺坐徧滿十方無量世界二一切諸佛說一義句悉能開

示一切佛法。二放一光明。悉能徧照一切世界。四於一身中。悉能示現一切諸身。五於一處中。悉能示現一切世界。六於一智中。悉能決了一切諸法。無所呈礙。七於一念中。悉能徧往十方世界。八於一念中。悉現如來無量威德。九於一念中。普緣三世佛及衆生心。無雜亂。十於一念中。與去來今一切諸佛體同無二。是爲十。上八句初皆有一切諸佛之言。釋曰。旣一念能爲無盡之事。故云超勝。問明該其因果者。卽十三經問有十一。謂一何等是佛境界。二何等是佛境界因。三度。四入。五智。六法。

七說。八知。九證。十現。十一廣。上九皆有何等是佛境界之言。初一是總。二卽是因。智證知廣四句皆體。餘五皆用。偈中答云。如來深境界。其量等虛空。一切衆生入而實無所入。此雙答總及廣二句。又云。如來深境界。所有勝妙因。億劫常宣說。亦復不能盡。此卽答因。餘如彼文。上三雖同佛境。說意小殊。故云小有不同。

疏若準瑜伽。如來境界。謂五界差別。一有情界。二世界。三法界。四調伏界。五調伏加行界。或說要唯。有四。一所緣真俗。二所住利海。三所起業用。四所

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

應攝化並如下說。此與瑜伽大同總唯有二。謂佛卽境約分齊說。或佛之境約所觀化等。今文多顯佛之境也。鈔謂佛卽境者分齊謂如來所成一切功德智慧等。是佛所有。如一國境屬於當國之王而菩薩不測。唯佛得故。言佛之境者真如實相真俗二諦等。是智所緣境。故云所觀衆生國土等是佛悲所化境。故云所觀化等。

云何是諸佛加持。

疏三佛加持者謂佛勝力任持。今有所作廣亦無量。略有十種。如不思議法品及法雲地說離世間

中十種佛所攝持亦其例也。然不出三類。一如加持化身及舍利等。二如加耆城入火不燒等。三如加非情作佛事等。此與神通寬陻不同。謂六通中唯神境一有加持故。今此加持即是神力。鈔略有十種者。此含二段。一卽四十六經十種爲衆生作佛事。何等爲十。所謂一。一切諸佛示現色身爲衆生作佛事。二出妙音聲。三有所受。四無所受。五以地水火風六神力自在示現一切所緣境界。七種種名號。八以佛利境界。九嚴淨佛利。十寂寢無言。皆上有一切諸佛下有爲衆生作佛事之言。故

1 2 3 4 5 6 7 8 9

10 1 2 3 4 5 6 7 8 9 80 1 2 3 4 5 6 7 8 9 80

下開爲三類中云三加非情作佛事等。一卽四十  
七十種大那羅延幢勇健法。故疏結云。今此加持  
卽是神力。及法雲地者。卽十種持經云。又如實知  
佛持法持僧持業持煩惱持時持願持供養持行  
持劫持智持。如是等皆如實知離世間品者。卽五  
十八經云。所謂初始能發菩提之心。佛所攝持。二  
於生生中持菩提心。令不忘失。佛所攝持三覺諸  
魔事。悉能遠離。四聞諸波羅密。如說修行。五知生  
死苦而不厭惡。六觀甚深法得無量果。七爲諸衆  
生說二乘法而不證取彼乘解脫。八樂觀無爲法

而不住其中。於有爲無爲不生二想。九至無生處  
而現受生十。雖證得一切智而起菩薩行。不斷菩  
薩種。皆有佛所攝持之言。一如加持者。如此類甚  
多。謂化現多身。隨所樂見。碎身舍利。一典供養。千  
返生天。全身舍利。如多寶佛。卽是如來力持身也。  
如出現品。醫王留身喻等。二如加耆域者。卽涅槃  
第三十。南經二十八經云。我於爾時。往瞻婆城中。  
時彼城中有大長者。無有繼嗣。供事六師以求子  
息。於後不久。其婦懷妊。長者知已。往六師所。歡喜  
而言。我婦懷妊。男耶女耶。六師答言。必是其女。長

80

1 2 3 4 5 6 7 8 9 10 1 2 3 4 5 6 7 8 9 10

者聞已。心生愁惱。復有知識來謂長者何故愁惱。乃至是耶。長者答言。我婦懷妊。未知男女。故問六師。六師見語。如我相法。生必是女。我聞是語。自惟年老。財富無量。如其非男。無所付屬。是故我愁。知識復言。汝無智慧。下取意引。廣讚佛德。令問世尊。長者卽至佛所。而問佛言。世尊。我婦懷妊。六師相言。生必是女。是事云何。佛言。長者汝婦懷妊。是男無疑。其兒生已。福德無比。六師聞已。心生嫉妒。乃以庵羅果和合毒藥。授其長者。令其妻服。語云。若服此藥。兒則端正產者無患。服已便死。送至城外。

以火焚之。如來知之。便往塚間。長者難言。所言無二。可名世尊。母已終亡。云何生子。我言長者汝於爾時。都不見問母命長短。但問所懷爲是男女。諸佛如來發言無二。是故當知定必得子。是時死屍火焚腹裂。子從中出。端坐火中。猶如鴛鴦處蓮華臺。我於爾時尋告耆婆。汝往火中抱是兒來。六師止之。耆婆言。如來使我入阿鼻地獄。所有猛火。尚不能燒。况世間火。爾時耆婆前入火聚。猶入清涼大河水中。抱持是兒。還詣我所。授兒與我。我受兒已。告長者言。一切衆生壽命不定。如水上泡。衆生

撰述

華嚴疏錄卷之二

十一

若有重業果報。火不能燒。毒不能害。是兒業報。非我所作。長者請佛立字。佛言。是兒生於猛火之中。火名樹提。應名樹提爾時會中見我神化無量衆生發阿耨多羅三藐三菩提心。故云如加耆婆入火。則入火之言。兼於二事。一如向緣。二如耆婆所言。佛令入阿鼻地獄。猛火不燒。復有一緣。卽令入地獄問提婆達多事也。

云何是諸佛所行。

疏四所行者。是佛所作。或說十種。如不思議品云。諸佛世尊有十種化不失時等。鈔諸佛所行有

十種化者。卽四十六經云。佛子諸佛世尊有十種化不失時。何等爲十。所謂一切諸佛成等正覺不失時。二成熟有緣。三授菩提記。四隨衆生心示現神力。五隨衆生解示現佛身。六住於大捨。七入諸聚落。八攝諸淨信。九調惡衆生。十現不思議諸佛神通。皆上有一切諸佛。下有不失時言。

疏亦是所行之行。如出現品。謂無礙行。是如來行等。或大悲攝生。或大智造緣。無思成事。方便善巧。所作究竟。皆名爲行。鈔亦是所行者。二約所行釋。先引文。謂無礙行。是如來行等者。卽五十二經

云。佛子。菩薩摩訶薩應云。何知如來應正等覺行。  
佛子。菩薩摩訶薩應知無礙行是如來行。應知真  
如行是如來行。佛子。如真如前際不生後際不動。  
現在不起。如來行亦如是。不生不動不起。下舉鳥  
飛虛空前後無際。况真如行。金翅闢海喻無礙行。  
廣如彼文。或大悲下二類釋。亦成上義。大悲攝生  
卽無礙行。大智造緣。卽真如行。無思成事。成上二  
義。亦該通所緣。

疏然約人望行。標云所行。既是所作。實通能所。故  
不同彼境界之中。彼智所觀。所應攝化。但就所故

況所望不同。故不相濫。鈔然約人下三揀濫。以  
經云所行。濫於境界。是悲智所行故。於中初正揀。  
謂佛是能行故。悲智之行是所行。非如於境。悲智  
是能行。真如衆生是所行也。故云約人望行。標云  
所行。况所望不同者。上行通能所。境唯局所。已是  
不同。設同取悲智。行約所行。以用悲智。境約能行  
以用悲智。如人望子名父。望父名子。一人二用。豈  
相濫耶。

疏若準瑜伽七十八中。引深密經。佛答文殊此二  
別相云。所行謂一切種。如來共有不思議無量功

1 2 3 4 5 6 7 8 9 10 1 2 3 4 5 6 7 8 9 10

德莊嚴淨土。如來境界。謂一切種五界差別。五界如前。鈔若準瑜伽下。二引證以釋二相不同。經當第五。五界全同瑜伽。然瑜伽全寫深密爲論。今引瑜伽引經者。欲雙引經論故。

云何是諸佛力。

疏五佛力者。卽佛大力自在。廣有無量。略說有十。卽處非處等。又有十種。謂廣大力等。如不思議品。鈔謂廣大力。卽四十七云。佛子。諸佛世尊有十種廣大力。最上力。無量力。大威德力。難獲力。不退力。堅固力。不可壞力。一切世間不思議力。一切衆

生無能動力。大那羅延幢勇健法。何等爲十。所謂一切諸佛身不可壞等爲一。此上十力。偏於十種勇健法。廣如彼文。今略舉其名。一身命不可壞力。二毛孔容持力。三毛持大山力。四定用自在力。五常徧演法力。六德相降魔力。七圓音徧徹力。八心無障礙力。九法身微密力。十具足行智力。一一力中。有多義理。具於下文。

云何是諸佛無所畏。

疏六無畏者。無諸畏懼。故離世間品說有十種無畏。或說四種。如常所明。昔云前四是異。二乘功德

佛力是破魔功德。無畏是伏外道功德。未必全爾。十力無畏亦不共二乘故。然上來多明大智功德。鈔離世間者。卽五十六云。佛子。菩薩摩訶薩有十種無畏。何等爲十。經文浩博。今當義引。謂一聞持無畏。二辯才無畏。三不畏不能答難。三三空無畏。此不畏妄念。四威儀無缺無畏。五三業無過無畏。上二不畏外譏。六外護無畏。此不畏天魔外道。七正念無畏。不畏遺忘。八方便無畏。不畏生死。九一切智無畏。不畏二乘。十具行無畏。不畏不能化生。或說四種者。卽十歲品辯。謂一。一切智無畏。

二。漏盡無畏。三。出障道。四。出苦道。未必全爾者。非不許昔解。但顯義包含爾。

云何是諸佛三昧。

疏七佛三昧者。謂佛果等持。數過塵羣。如師子喚等。略說十種。如不思議品說。佛有無量不思議三昧等。鈔如師子者。六十一經。略列百門。初名普莊嚴法界三昧。二名普照一切三世無礙境界。三昧。最後云。師子喚。三昧。結云。以如是等不可說佛利微塵數三昧。入毘盧遮那如來念念充滿一切法界三昧。大神變海。略說十種者。卽四十七

撰述

華嚴疏錄卷六之一

經云。所謂一切諸佛恒在正定於一念中。徧一切處普爲衆生廣說妙法。一普爲衆生說無我際。三普入三世。四普入十方廣大佛刹。五普現無量種佛身。六隨諸衆生種種心解。現身語意。七說一切法離欲真際。八演說一切緣起自性。九示現無量世出世間廣大莊嚴。今諸衆生常得見佛。十令諸衆生悉得通達一切佛法無量解脫。究竟到於無上彼岸。每句皆有一切諸佛恒在三昧。於一念中徧一切處之言。一如初句。

云何是諸佛神通。

疏八準答及頌。名佛神通者。謂依定發起無礙神用。或說有十。如十通品。不思議品云。一切諸佛有無邊際無礙解脫。示現無盡大神通力。十通唯局菩薩。或說有六。如常所辨。然名通大小。鈔或說有十者。一他心智通。二天眼智通。三知過去劫宿住智通。四盡未來際劫智通。五無礙清淨天耳智通。六無體性無動作往一切佛利智通。七分別一切言辭智通。八無數色身智通。九一切法智通。十入一切滅盡三昧智通。不思議品者。義引經文。無碍解脱一句牒經。示現無量大神通力。顯此解脫。

60

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

是神通解脫。如淨名不思議解脫。能以湏彌內芥子等。故經云何等爲十。所謂一切諸佛能於一念現不可說。不可說諸佛出興於世。二轉淨法輪。三衆生受化調伏。四諸佛國土。五菩薩受記。上五皆有一切諸佛能於一塵現不可說。不可說言。一如初句。下五句但無不可說。不可說言。餘同上有謂六現去來。今一切諸佛。七現去來。今一切世界。八現去來。今一切神通。九現去來。今一切衆生。十現去來。今一切佛事。釋曰。旣皆一塵頓現。明是大神通力。十通唯局菩薩者。欲生下六通。通二乘故。六

謂天眼天耳他心宿住神境。漏盡。

云何是諸佛自在。

依今北藏增定

疏九準答及頌名佛自在。謂所作任意。無礙成就。故廣有無量或說百種。謂於衆生自在等。各有十故。略有十種。謂命自在等。並如離世間品說。不思議品亦說有十。謂諸佛世尊。於一切法皆悉自在等。鈔廣有無量者。歷事別明。故或說百種者。卽五十六經初列十門云。佛子。菩薩摩訶薩有十種無礙用。何等爲十。所謂衆生無礙用。國土無礙用。三法四身。五願六境界。七智八神通。九神力。十力。

皆有無礙用言。下釋一一各有十門故成百也。略有十種者。卽五十五經末云。佛子。菩薩摩訶薩有十種自在。何等爲十。所謂命自在。不可說劫住壽命故。心自在。智慧能入阿僧祇三昧故。資具自在。能以無量莊嚴莊嚴一切世間故。業自在。隨時受報故。受生自在。於一切世界示現受生故。解自在。於一切世界見佛充滿故。願自在。隨時隨時。於諸利中成正覺故。神力自在。示現一切大神變故。法自在。示現無邊諸法門故。智自在。於念念中示現如來十力無畏成正覺故。是爲十。若諸菩薩安住

此法。則得圓滿一切諸佛諸波羅蜜智慧神力自在。不思議品者。卽四十六云。何等爲十。所謂一切諸佛。於一切法悉得自在。明達種種句身味身。演說諸法。辯才無礙。是爲諸佛第一自在法。下略取意。上卽法自在。一心自在。三勝解自在。四財自在。五命自在。六如意自在。七智自在。八業自在。九生自在。十願自在。然上二經與八地全同。云何是諸佛無能攝取。

疏十無能攝取者。頌名無能制伏。答中名無能毀壞。謂佛所作。無有天上人中沙門魔梵及諸二乘。

123456789

10

11

12

大菩薩等神力能制。是故舊經翻爲佛勝法也。略有十種。如不思議品者。諸佛有十種最勝法等。鈔如不思議品者。卽四十六經。一順晉經佛最勝法言。故引此文。經云。所謂一切諸佛大願堅固。不可沮壞。所言必作。言無有二。二爲欲圓滿一切功德。盡未來劫修菩薩行。不生懈倦。三爲欲調伏一切衆生。故往不可說。不可說世界。如是而爲一切衆生而無斷絕。四於信行二種衆生。大悲普觀平等。無異。五從初發心乃至成佛。終不退失菩提之心。六積集無量諸善功德。皆以迴向一切智性。於諸

世間終無染著。七於諸佛所修學三業。唯行佛行。非二乘行。皆迴向一切智性。成於無上正等菩提。八放大光明。其光平等照一切處。及照一切諸佛之法。令諸菩薩心得清淨。滿一切智。九捨離世樂。不貪不染。而普願世間離苦得樂。無諸戲論。十愍諸衆生受種種苦。守護佛種。行佛境界。出離生死。逮十力地。是爲十。每句之上。皆有一切諸佛之言。一同初句。

疏若取無能毀壞。卽十種大那羅延幢勇健法是。上之十問。多在不思議品。至下當知。鈔若取無

1234567890

1234567890

能壞者。一依今經釋大勇健法前文已引。則義有兩兼多在不思議者亦有離世間等故致多言。云何是諸佛眼。云何是諸佛耳。云何是諸佛臭。云何是諸佛舌。云何是諸佛身。云何是諸佛意。云何是諸佛身光。云何是諸佛光明。云何是諸佛聲。云何是諸佛智。

疏二云何是諸佛眼下十句。問體相顯著。謂六根三業於身業中。開常光爲身光。放光爲光明。故有十句。不思議法品。諸佛有十種法。普偏無量無邊法界。謂無邊際眼等。離世間品。一一各有十門辨。

釋。鈔不思議法品者。卽四十六經云。何等爲十。所謂一切諸佛有無邊際身色。相清淨。普入諸趣而無染著。二無障礙眼。於一切法悉能明見。三無障礙耳。悉能解了一切音聲。四真能到諸法自在彼岸。五有廣長舌。出妙音聲。六身應衆生。咸令得見。七意往無礙平等法身。八無礙解脫。示現無盡大神通力。九清淨世界。隨衆生樂。現衆佛土。具足無量種種莊嚴。而於其中不生染著。十菩薩行願得圓滿智。遊戲自在。悉能通達一切佛法。佛子。是爲如來應正等覺。普偏無邊際十種佛法。其一一

句上皆有一切諸佛有無邊際言。一如初句。但第五舌無無邊際言。以廣長替。故離世間品者。卽第五十七經。謂十眼。十耳等。十眼者。一肉眼。二天眼。三慧。四法。五佛。六智。七光明。八出生死。尤無礙。十一切智。其十耳。十鼻等。廣如彼文辯。然彼是菩薩眼等。而下結皆云。則得佛眼等。故通因果可釋佛眼等。

疏又出現品說佛三業。各具十義。然諸經論說佛常光。一尋準不思議品。常妙光明。不可說。不可說種種色相。以爲嚴好。爲光明藏。出生無量圓滿光

明普照十方。無有障礙。鈔又出現品者。身在五十經。語意在五十一。各有十義。並以十喻。喻之常妙光明者。卽四十六經。十種莊嚴中第七莊嚴文云。一切諸佛。皆有無量常妙光明。不可說。不可說種種色相。以爲嚴好。爲光明藏。出生無量圓滿光明。普照十方。無有障礙。是爲諸佛第七最勝無上常妙光明莊嚴。

疏然放光。則有時不放。如諸會面門。毫相所放之類。然相海品。其一一相。常放光明。斯卽放光亦通常光。而分別者。常卽湛徧。放則見有去來故。鈔

然放光下通伏難。恐有難言。若常光一尋與放光異。今常光周於法界。何異放光。故爲此通而分別者下。亦通妨難。謂上通放光。異常光者。則放光有時不放。今引相海常放光。如何取別。故爲此通。

疏言佛智者廣。卽無量略說有十體不出五。謂清淨智。及大圓鏡等四智。要唯有二。謂根本後得。總攝唯一諸法實相無障礙智。此之十句。多如相海。及隨好品。鈔廣則無量者。隨事無邊故。略說有十者。卽如出現品第五十一經明意業中。如來心意識俱不可知。但以智無量故。知如來心。說有十

智十喻是也。體不出五者。卽攝論佛地論。皆言五法攝大覺性。謂一真法界。四智菩提。則一是理。而非是智。今清淨智。卽一真法界。卽本來智性金剛頂。瑜伽說有五智。初法界清淨智。卽一真法界故。唯願世尊。哀愍我等。開示演說。

疏二。唯願下結請。將欲引例。故且結請。

又十方世界海一切諸佛。皆爲諸菩薩說。世界海衆生海。法界安立海。佛海。佛波羅蜜海。佛解脫海。佛變化海。佛演說海。佛名號海。佛壽量海。依今北藏增定疏二。又十方下引例舉法請。亦分爲二。初引例。後

結請今初分二。前十句問化用。普周後十句問因。德深廣。今初文唯有九。闕安立法。一世界海者。是化用處。如華藏品。二衆生海。是所化機。卽利中。所持三準答及頌名法界安立法。如世界成就品。通明法界所安立法起具因緣等故。若因緣者。賢首云所化生法也。亦是前二於法界中施設安立法。故諸經論皆說世諦爲安立法。然安立言梵云奈耶。而義多含。或云理趣。或云方便。或云法式。或云法門。或云安立。故知卽安立法式也。鈔通明法界者。此有三釋。初卽疏意。而言通明者。謂世界海。

唯約果說。法界安立。以通因通果。由具因果能安立法界故。一賢首云。所化生法。復是一義。唯取化生之法。亦是前二下。是第三義。安立法。衆生世界故。前二卽世界海。及衆生海。於中有二。先正明。後然安立言下。引梵文證。此是賢首引證。後二義法式。卽化生法也。安立卽第三義。故結云安立法式。疏四佛海者。能化生也。如華藏品。廣舉其名。亦如不思議品等。鈔四佛海指不思議等品者。等取相海隨好。皆佛德相用。故是妙覺故。

疏五波羅蜜者。化所成行。如離世間品。鈔五波

撰述

華嚴疏錄卷六

三

羅蜜指離世間品者。以二千行法。一一皆到彼岸故。

疏六佛解脫海者。化所得果。如法界品。鈔六如法界品者。佛親證入。離障解脫。及大作用。皆解脫故。

疏七佛變化海者。臨機神變化。難化衆生。卽身業化也。如諸會不起而徧光明覺品。長行身業。阿僧祇等。皆是其文。鈔七指僧祇者。僧祇偈頌廣顯佛德。重重無盡。廣大用故。等卽等於一經上下變化之文。

疏八佛演說海者。稱根說法。語業化也。如四諦品。尤佛名號海。隨機立稱。如名號品。十佛壽量海者。隨器所感。住世修短。如壽量品。

及一切菩薩誓願海。一切菩薩發趣海。一切菩薩助道海。一切菩薩乘海。一切菩薩行海。一切菩薩出離海。一切菩薩神通海。一切菩薩波羅蜜海。一切菩薩地海。一切菩薩智海。

疏二及一切下問因德深廣中。一創於生死立大誓願。二勝進大心趣求佛果。三積集菩提福智資糧。四運諸菩薩從因至果。五慈悲喜捨四菩薩行

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

六謂永背業惑證契真理餘四可知。鈔因德深廣下正釋經。

疏然此十句有通有別。別則初二寄十信次二

十住次一十行次一十向以向出離故次三登地以上後一等覺此約橫論一切菩薩。鈔別則下

釋別先以豎釋別諸位淺深故此約橫論菩薩者結上別義約所行位信住等異即是豎論約能行

人一位中攝多菩薩故云橫論一切菩薩疏若約通說各通始終卽豎論一切菩薩也。鈔

通約所行法位位同修卽是通義隨約一人遍歷

諸位皆修此十卽是豎論一切菩薩。

疏故此十句文通行位然皆普攝法界深廣無邊故云海也並如下諸會說鈔通行位者三雙結

也別說寄位通說約行故。

願佛世尊亦爲我等如是而說。

疏二願佛下結請既是引例故致亦言。

疏此四十句答文在何問有通局答亦如之。

疏通卽諸會與此相應皆是答此上所引者居然當之謂前衆海旣是九會常隨豈得此問局於初會豈復衆海問不盡耶故知初會爲總九會同答

此問而爲分意別故諸分初皆重舉諸問則顯分  
分之中皆通因果等故則從此盡光明覺答十海  
問問明已下答十因問不思議下答二十句果至  
下當知。鈔疏正明通謂九會通答謂前下立理  
此有三理一衆海常隨既通九會問答合通智深  
能問盡故合總問故以此三理問答合通而爲下  
釋妨謂前問言若言衆海問盡九會九會同答何  
以下文復有三位大問故爲此通則顯分分之中  
皆通因果者謂問雖互有廣略因果皆足則是重  
問耳四則從下正示答文。

疏文就四十問十海爲總九會同答十海一世界  
成就品答世界安立海二華藏品答世界海遮那  
但引因釋成現相三昧但是說法由致並非別答  
海問三名號品答如來名號海四四諦品答演說  
海五光明覺至十忍品別答十句因問通答衆生  
海修因之人卽所化生故六阿僧祇品答變化海  
七長行舉數欲顯化用難量故偈中廣明變化重重  
微細難說七壽量住處皆答壽量海八不思議等  
五品別答二十句果問總明佛海就德深廣以顯  
佛教九第八會答波羅蜜海總攝諸位皆成行故

1 2 3 4 5 6 7 8 9 10 1 2 3 4 5 6 7 8 9 10

十。第九會答解脫海證入法界。起大用故。鈔又就下二約總別釋。十海爲總。餘三十句別皆十海攝故。總答十海已。答餘三十問於中二。先正以九會答於十海。

疏問中爲次。與答異者。問約本有修成自行化他而爲次第。謂先有世界衆生。則有佛出修因得果。故波羅蜜海是因。解脫是果。餘四皆大用。謂臨機變化。隨宜說法。稱物立名。隨物修短。答中先人後已。故大用四海居先。自利果因二海居後。又衆生一海亦可通在九海。皆爲生故。種種隨宜顯生多

故。鈔後問中爲次下。以答對問辯次不同。問中言先有世界衆生者。卽標中本有三海。世界卽世界海。及攝安立海故。次則有佛出修因得果等者。卽標中修成。卽自行意。言餘四皆大用。臨機等。卽標中化他也。先人後已下。先利他故。大用四海。卽先利他。言四海者。一名號海。二四諦海。三變化海。四壽量海。言自利二海居後者。卽波羅蜜海爲因。佛解脫海爲果。八九兩會答故居後此中。唯會六海。不會四海者。以世界海及安立海。依問在前故。佛及衆生本居中故。更以異門釋衆生海上欲具

收十問。故以答因屬衆生海。今以衆生爲總。卽前答因屬演說海。說諸位故。上來通竟。

疏若約局言。當會答盡。此復有二。一現相答。下文當示二者。言說答此亦有二。一經來未盡。二答二兼餘。成就品當引。鈔若約局言下。第二釋局答問。經來未盡者。遮那品後無結束故。若來應具答盡。二答二兼餘者。謂正答安立海及世界兼餘三十八問故。

爾時諸菩薩威神力故。於一切供養具雲中自然出音。而說頌言。

疏第二。爾時下供聲偈。請中分二。先明因緣。後正說偈。今初前請在念。佛雖已知。今請彰言。使大眾同曉。前旣爲法興供。今乃以供宣心。不因撫擊。故曰自然。非無因緣。卽菩薩威力。同異生衆皆菩薩也。又表身口爲供具。故供具皆卽法界體故。鈔亦表身爲供養具者。卽解脫和尚歎佛說偈云。合掌以爲華。身爲供養具。善心誠實香讚歎香烟布。諸佛聞此香。尋聲來相度。衆等勤精進。終不相疑誤。

無量劫中修行滿。菩提樹下成正覺。爲度衆生普現。

身如雲充徧盡未來。

衆生有疑皆使斷廣大信解悉令發無邊際苦普使除諸佛安樂咸令證。

疏二正說偈中十頌分二初三歎德請後七舉法請前中亦二初二歎佛明具說因後一歎衆明具說緣。今初也前偈卽悲之智已滿爲物現身後偈卽智之悲已圓能斷疑除苦有悲必普有智必能故應說也。

菩薩無數等利塵俱來此會同瞻仰願隨其意所應受演說妙法除疑惑。

疏後一歎衆請中前半歎衆顯無異念後半結請明說則斷疑。

云何了知諸佛地云何觀察如來境佛所加持無有邊顯示此法令清淨。

云何是佛所行處而以智慧能明入佛力清淨廣無邊爲諸菩薩應開示。

云何廣大諸三昧云何淨治無畏法神通力用不可量願隨衆生心樂說。

諸佛法王如世主所行自在無能制及餘一切廣大法爲利益故當開演。

疏舉法請中分三初四述前初十句問小有不次  
但取文便及餘一切廣大法者結例所餘謂二十  
句外佛無邊德亦願說之不思議品廣說餘門諸  
說果處皆答此也。

佛眼云何無有量耳。真舌身亦復然意無有量復云  
何願示能知此方便。

疏次一頌述前體相顯著十句略示可知。  
如諸刹海衆生海法界所有安立海及諸佛海亦無  
邊願爲佛乎咸開暢永出思議衆度海普入解脫方  
便海所有一切法門海此道場中願宣說。

疏後二頌述化用普周十句之間現文唯七以佛  
海中含於神變壽量名號以此三海不離佛故不  
問因者長行明通諸會故列因疑今彰初分請當  
會答又顯此會因略果廣第二會果略因廣故。  
爾時世尊知諸菩薩心之所念。

疏第二爾時世尊下明光召有緣分長分爲十。一  
放光意以領念故供聲易了故略不明念但疑法  
何以放光。覙相答故答相云何謂佛三昧力加持  
放光令菩薩來遠遠能爲此卽佛地境界是佛所  
行無攝無畏故此爲總意若別別明者如文思之

123456789

123456789

撰述

華嚴疏金言卷之二

三

卷之二

又召來菩薩。亦是言答。上之十問。至文當知。鈔若別明者。如文思之者。若此之類。顯義無方。類例相似。即可引證耳。

卽於面門衆齒之間。

疏二。卽於下明光依處。面門卽口。言衆齒者。表四十問。教道遐舒。口生真子。咀法滋味。益法身故。總處放者。此會總故。鈔面門卽口者。以昔有解云。面門卽面之正容。非其口也。又云真下口上。以梵音呼面及口并門。並云目佞性。是故譯者解人取文。非一。今以衆齒之間。則口爲定解。表四十問者。有

四十齒故。教道遐舒。卽教智光。口生真子。唯取口義。故法華云。從佛口生。從法化生。得佛法分。故下出現。加於普賢光明入口。咀法味下。約齒明義。言總處者。口爲說法處。一切法門。總從此演故。

放佛刹微塵數光明。

疏三。放佛下顯光體。隨機多演故。

所謂衆寶華徧照光明。出種種音莊嚴法界光明。垂布微妙雲光明。十方佛坐道場現神變光明。一切寶燄雲蓋光明。充滿法界無礙光明。徧莊嚴一切佛刹光明。迺建立清淨金剛寶幢光明。普莊嚴菩薩衆會。

1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷之二

三

續

道場光明妙音稱揚一切佛名號光明。

疏四。所謂下。列光明略列十名。皆從體用立稱。如是等佛利微塵數。

疏五。如是下。結光數。

一一復有佛利微塵數光明以爲眷屬。

疏六。一下。彰眷屬。

其光悉具衆妙寶色。

疏七。其光下。辯色相。衆寶隱映表教道舍容。

普照十方。各一億佛利微塵數世界海。

疏八。普照下。明光應遠。

彼世界海諸菩薩衆於光明中。各得見此華藏莊嚴世界海。

疏九。彼世界下。彼衆感通。

以佛神力。其光於彼一切菩薩衆會之前而說頌言。

疏十。以佛下。偈聲命召。卽通舉十號。示爲所歸。

鈔卽通舉十號者。佛德無邊。十號略盡。故法華第三云。我是如來應供。正徧知。明行足。善逝世間解。無上士。調御丈夫。天人師。佛世尊。未度者令度。未解者令解。未安者令安。未涅槃者令得涅槃。今世後世。如實知之。我是一切智者。一切見者。汝等天

人阿修羅衆皆應到此爲聽法故斯卽舉十號以昭然初但云如來亦復如是出現於世如大雲起徧覆三千大千世界則通局有異又下衆集但云天人阿修羅等勝劣小異耳今取彼意故以十號釋經十號之義法界品方辯

無量劫中修行海供養十方諸佛海化度一切衆生海今成妙覺徧照尊

疏十偈在文且分爲五初六偈自彰因果已圓勸同觀禮於中初一總明二利因滿成正徧知

毛孔之中出化雲光明普照於十方應受化者咸開

覺令趣菩提淨無礙

疏次一毛光開覺是明行足

佛昔往來諸趣中教化成熟諸羣生神通自在無邊量一念皆令得解脫

疏次一頌往來諸趣是世間解一念解脫可謂善逝

摩尼妙寶菩提樹種種莊嚴悉殊特佛於其下成正覺放大光明普威耀

疏次一頌成正覺卽佛義焉

大音震吼徧十方普爲弘宣寂滅法隨諸衆生心所

樂種種方便令開曉。

疏次一大音演寂謂無上士隨心開覺卽調御丈夫。

往修諸度皆圓滿等於千刹微塵數一切諸力悉已成汝等應往同瞻禮。

疏次一諸力皆圓卽天人師也。

十方佛子等刹塵悉共歡喜而來集已雨諸雲爲供養今在佛前專覲仰。

疏二有一頌明衆海已集引例勸歸旣云已雨諸雲爲供是應供也爲對引例故不當次。

如來一音無有量能演契經深大海普雨妙法應羣心彼兩足尊宜往見。

疏三一頌圓音隨機見必蒙益結云見兩足尊卽世尊也。

三世諸佛所有願菩提樹下皆宣說一剎那中悉現前汝可速詣如來所。

疏四一頌義海頓演宜速及時如三世佛大願而來故結云如來也。

毘盧遮那大智海面門舒光無不見今待衆集將演音汝可往觀聞所說。

疏五一頌特命有緣是光本意。

精嚴寺比丘性澄自捨鉢資并領袖共五兩六  
錢一分七厘刻此如來現相品伏願蒙光見瑞  
了。如來之實相除障斷疑深明法界之真空  
現時中無不吉祥者。

大方廣佛華嚴經疏鈔卷六之一

終

大方廣佛華嚴經疏鈔卷六之二

千闍國三藏沙門實叉難陀譯

清涼山大華嚴寺沙門澄觀撰述

如來現相品第二

爾時十方世界海一切衆會蒙佛光明所開覺已各  
共來詣毘盧遮那如來所親近供養。

疏第三。爾時十方下所召雲奔文分爲三。第一同  
會道場。第二現自在用。第三聲光自述。今初亦三  
初總明。一所謂下別顯。二如是等下總結。  
所謂此華藏莊嚴世界海東。

疏別中十方卽爲十段。一一方中皆有十事。一定方。

次有世界海名清淨光蓮華莊嚴。

疏二土海。

彼世界種有國土名摩尼瓔珞金剛藏。

疏三世界。

佛號法水覺虛空無邊王

疏四佛名。

於彼如來大衆海中有菩薩摩訶薩名觀察勝法蓮華幢。

疏五玉菩提薩。

與世界海微塵數諸菩薩俱

疏六眷屬數。

來詣佛所

疏七至佛所。

各現十種菩薩身相雲徧滿虛空而不散滅復現十種雨一切寶蓮華光明雲復現十種須彌寶峰雲復現十種日輪光雲復現十種寶華瓔珞雲復現十種一切音樂雲復現十種末香樹雲復現十種塗香燒香衆色相雲復現十種一切香樹雲如是等世界海

1

2 3 4 5 6 7 8 9 10 1 2 3 4 5 6 7 8 9 10

微塵數諸供養雲。悉徧虛空而不散滅。

疏八。興供雲。

現是雲已。向佛作禮。以爲供養。

疏九。申禮獻供。

卽於東方各化作種種華光明藏師子之座。於其座上結跏趺坐。

疏十。化座安坐。此中應有世界種名。畧不說耳。其東方供雲應有十種。而但九者。全香燒香二文合故。言各現者。王伴一一皆現也。重重無礙。各徧虛空。一一可觀。名不散滅。十方化座。體相各異。而皆方故。

同名蓮華藏師子之座者。師子之義。已見上文。蓮華藏言。通有三意。一約菩薩。表含藏開敷故。二約所詮。將說依報故。三約諸會。通顯華嚴故。上下還於本方坐者。佛圓廻身。皆見面故。異於餘宗。但八方故。

此華藏世界海南。次有世界海。名一切寶月光明莊嚴藏。彼世界種中。有國土名無邊光圓滿莊嚴。佛號普智光明德須彌王。於彼如來大衆海中。有菩薩俱。來詣佛所。各現十種一切莊嚴光明藏摩尼王雲。徧滿

虛空而不散滅。復現十種雨。一切寶莊嚴具普照耀。摩尼王雲。復現十種寶燄熾然稱揚佛名號。摩尼王雲。復現十種說。一切佛法摩尼王雲。復現十種衆妙樹莊嚴道場。摩尼王雲。復現十種寶光普照現衆化。佛摩尼王雲。復現十種普現。一切道場莊嚴像。摩尼王雲。復現十種密燄燈說諸佛境界。摩尼王雲。復現十種不思議佛刹宮殿像。摩尼王雲。復現十種普現。三世佛身像。摩尼王雲。如是等世界海微塵數。摩尼王雲。悉徧虛空而不散滅。現是雲已。向佛作禮。以爲供養。卽於南方各化作帝青寶闍浮檀金蓮華藏師子之座。於其座上結跏趺坐。

此華藏世界海西。次有世界海。名可愛樂寶光明。彼世界種中。有國土名出生上妙資身具。佛號香燄功德寶莊嚴。於彼如來大衆海中。有菩薩摩訶薩。名月光香燄普莊嚴。與世界海微塵數諸菩薩俱。來詣佛所。各現十種一切寶香。衆妙華。樓閣雲。徧滿虛空而不散滅。復現十種無邊色相衆寶王樓閣雲。復現十種寶燈香燄樓閣雲。復現十種一切真珠樓閣雲。復現十種一切寶華樓閣雲。復現十種寶瓔珞莊嚴樓閣雲。復現十種普現。十方一切莊嚴光明藏樓閣雲。

撰述

華嚴疏錄卷之二

正

復現十種衆寶未間錯莊嚴樓閣雲。復現十種衆寶周徧十方一切莊嚴樓閣雲。復現十種華門鐸網樓閣雲。如是等世界海微塵數樓閣雲。悉徧虛空而不散滅。現是雲已。向佛作禮以爲供養。卽於西方各化作真金葉大寶藏師子之座。於其座上結跏趺坐。此華藏世界海北。次有世界海。名毘琉璃蓮華光圓滿藏。彼世界種中。有國土名優鉢羅華莊嚴。佛號普智幢音王。於彼如來大衆海中。有菩薩摩訶薩。名師子奮迅光明。與世界海微塵數諸菩薩俱來詣佛所。各現十種一切香摩尼衆妙樹雲。徧滿虛空而不散滅。復現十種密葉妙香莊嚴樹雲。復現十種化現一切無邊色相樹莊嚴樹雲。復現十種一切華周布莊嚴樹雲。復現十種一切寶燄圓滿光莊嚴樹雲。復現十種現一切旃檀香菩薩身莊嚴樹雲。復現十種現往昔道場處不思議莊嚴樹雲。復現十種衆寶衣服藏。如日光明樹雲。復現十種普發一切悅意音聲樹雲。如是等世界海微塵數樹雲。悉徧虛空而不散滅。現是雲已。向佛作禮以爲供養。卽於北方各化作摩尼燈蓮華藏師子之座。於其座上結跏趺坐。

此華藏世界海東北方。次有世界海。名闍浮檀金波

釋迦  
撰述

華嚴疏錄卷之二

王

瓈色幢。彼世界種中有國土名衆寶莊嚴佛號。一切法無畏燈。於彼如來大衆海中。有菩薩摩訶薩。名最勝光明燈。無盡功德藏。與世界海微塵數諸菩薩俱。來詣佛所。各現十種無邊色相寶蓮華藏師子座雲。徧滿虛空而不散滅。復現十種摩尼王光明藏師子座雲。復現十種一切莊嚴具種種校飾師子座雲。復現十種衆寶鬘燈燄藏師子座雲。復現十種普雨寶瓔珞師子座雲。復現十種一切香華寶瓔珞藏師子座雲。復現十種示現一切佛座莊嚴摩尼王藏師子座雲。復現十種戶牖階砌。及諸瓔珞。一切莊嚴師子尼光幢師子之座。於其座上結跏趺坐。

此華藏世界海東南方次有世界海。名金莊嚴瑠璃光普照。彼世界種中。有國土名清淨香光明佛號。普喜深信王。於彼如來大衆海中。有菩薩摩訶薩。名慧燈普明。與世界海微塵數諸菩薩俱。來詣佛所。各現十種一切如意王摩尼帳雲。徧滿虛空而不散滅。復

撰述

華嚴經卷六十二

莊

現十種帝青寶。一切華莊嚴帳雲。復現十種一切香摩尼帳雲。復現十種寶燄燈帳雲。復現十種示現佛神通說法摩尼王帳雲。復現十種現一切衣服莊嚴色像摩尼帳雲。復現十種一切寶華叢光明帳雲。復現十種寶網鈴鐸音帳雲。復現十種摩尼爲臺。蓮華爲網帳雲。復現十種現一切不思議莊嚴具色像帳雲。如是等世界海微塵數衆寶帳雲。悉徧虛空而不散滅。現是雲已。向佛作禮以爲供養。即於東南方各化作寶蓮華藏師子之座。於其座上結跏趺坐。

此華藏世界海西南方次有世界海。名日光徧照。彼

世界種中有國土名師子日光明。佛號普智光明。音於彼如來大衆海中。有菩薩摩訶薩。名普華光燄髻。與世界海微塵數諸菩薩俱。來詣佛所。各現十種衆妙莊嚴寶益雲。徧滿虛空而不散滅。復現十種光明莊嚴華益雲。復現十種無邊色真珠藏益雲。復現十種出一切菩薩悲愍音摩尼王益雲。復現十種衆妙寶燄髮益雲。復現十種妙寶嚴飾垂網鐸益雲。復現十種摩尼樹枝莊嚴益雲。復現十種日光普照摩尼王益雲。復現十種一切金香燒香益雲。復現十種旃檀藏益雲。復現十種廣大佛境界普光明莊嚴益雲。

如是等世界海微塵數衆寶益雲。悉徧虛空而不散滅。現是雲已。向佛作禮以爲供養。卽於西南方。各化作帝青寶光燄莊嚴藏師子之座。於其座上。結跏趺坐。

此華藏世界海西北方。次有世界海。名寶光照耀。彼世界種中。有國土名衆香莊嚴。佛號無量功德海。光明於彼如來大衆海中。有菩薩摩訶薩。名無盡光。摩尼王。與世界海微塵數諸菩薩俱。來詣佛所。各現十種一切寶圓滿光雲。徧滿虛空而不散滅。復現十種一切寶燄圓滿光雲。復現十種一切妙華圓滿光雲。

復現十種一切化佛圓滿光雲。復現十種十方佛土圓滿光雲。復現十種佛境界雷聲寶樹圓滿光雲。復現十種一切瑠璃寶摩尼王圓滿光雲。復現十種一念中現無邊衆生相圓滿光雲。復現十種演一切如來大願音圓滿光雲。復現十種演化一切衆生音。摩尼王圓滿光雲。如是等世界海微塵數圓滿光雲。悉徧虛空而不散滅。現是雲已。向佛作禮以爲供養。卽於西北方。各化作無盡光明威德藏師子之座。於其座上。結跏趺坐。

此華藏世界海下方。次有世界海。名蓮華香妙德藏。

6

1 2 3 4 5 6 7 8 9 10 1 2 3 4 5 6 7 8 9 10

彼世界種中。有國土名寶師子光明照耀。佛號法界光明。於彼如來大衆海中。有菩薩摩訶薩。名法界光。燄慧與世界海微塵數諸菩薩俱。來詣佛所。各現十種一切摩尼藏光明雲。徧滿虛空而不散滅。復現十種一切香光明雲。復現十種一切寶燄光明雲。復現十種出一切佛說法音光明雲。復現十種現一切佛土莊嚴光明雲。復現十種一切妙華樓閣光明雲。復現十種現一切劫中諸佛教化衆生事光明雲。復現十種一切無盡寶華藏光明雲。復現十種一切莊嚴座光明雲。如是等世界海微塵數光明雲。悉徧虛空而不散滅。現是雲已。向佛作禮以爲供養。卽於下方各化作寶燄燈蓮華藏師子之座。於其座上。結跏趺坐。

此華藏世界海上方。次有世界海。名摩尼寶照耀莊嚴。彼世界種中。有國土名無相妙光明。佛號無礙功德光明王。於彼如來大衆海中。有菩薩摩訶薩。名無礙力精進慧。與世界海微塵數諸菩薩俱。來詣佛所。各現十種無邊色相寶光燄雲。徧滿虛空而不散滅。復現十種摩尼寶網光燄雲。復現十種一切廣大佛土莊嚴光燄雲。復現十種一切妙香光燄雲。復現十

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

種一切莊嚴光燄雲。復現十種諸佛變化光燄雲。復現十種衆妙樹華光燄雲。復現十種一切金剛光燄雲。復現十種說無邊菩薩行摩尼光燄雲。復現十種一切真珠燈光燄雲。如是等世界海微塵數光燄雲。悉徧虛空而不散滅。現是雲已。向佛作禮以爲供養。卽於上方各化作演佛音聲光明蓮華藏師子之座。於其座上結跏趺坐。

如是等十億佛刹微塵數世界海中。有十億佛刹微塵數菩薩摩訶薩。一一各有世界海微塵數諸菩薩衆。前後圍遶而來集會。是諸菩薩一一各現世界海微塵數種種莊嚴諸供養雲。悉徧虛空而不散滅。現是雲已。向佛作禮以爲供養。隨所來方各化作種種寶莊嚴師子之座。於其座上結跏趺坐。

疏三總結中文有其八。一畧示前文云如是等。二總明海數謂十億刹塵以上來所列是華藏鱗次之海。口光各照一億十方故有十也。上二段前別中所無三結主四結伴五結來至六結興供七結禮獻八結安坐既爲總結故缺定方已至會中故闕初海等三事。鈔已至會中者一土海二世界海三佛名非別從彼來故此不說。

撰述

華嚴疏錄卷之二

如是坐已。其諸菩薩身毛孔中。一一各現十世界海。微塵數一切寶種種色光明。一一光中悉現十世界海微塵數諸菩薩皆坐蓮華藏師子之座。

疏第一如是坐已下現自在用卽爲歎德謂塵塵近佛念念益生文有其八一明諸菩薩毛孔現光二光現菩薩三菩薩入塵四塵含廣利五刹有如來六菩薩往供七助佛揚化八所化成益初二可知。

此諸菩薩悉能徧入一切法界諸安立海所有微塵疏三中言安立海所有微塵者畧有二義一一切施設依正等塵一一稱真故二約觀心衆生意識所緣卽是法界例依名相分別而轉是謂安立妄故爲塵體皆可依是名大利皆有覺性是曰如來此名菩薩證入衆生性海。

彼一塵中皆有十佛世界微塵數諸廣大利疏四中可知。

一一利中皆有三世諸佛世尊。

疏五隨世俗故說有三世全稱性故並在塵中此諸菩薩悉能徧往親近供養疏六中供養者通財及法。

於念念中。以夢自在示現法門。開悟世界海微塵數衆生。念念中。以示現一切諸天。殞生法門。開悟世界海微塵數衆生。念念中。以說一切菩薩行法門。開悟世界海微塵數衆生。念念中。以普震動一切利歎佛功德神變法門。開悟世界海微塵數衆生。念念中。以嚴淨一切佛國土。顯示一切大願海法門。開悟世界海微塵數衆生。念念中。以普攝一切衆生。言詞佛音聲法門。開悟世界海微塵數衆生。念念中。以能雨一切佛法雲法門。開悟世界海微塵數衆生。念念中。以光明普照十方國土。周徧法界。示現神變法門。開悟

世界海微塵數衆生。念念中。以普現佛身。充徧法界。一切如來解脫力法門。開悟世界海微塵數衆生。念念中。以普賢菩薩建立一切衆會道場海法門。開悟世界海微塵數衆生。如是普徧一切法界。隨衆生心。悉令開悟。

疏七於念念下。助佛揚化。

念念中。一一國土。各令如須彌山微塵數衆生。墮惡道者。永離其苦。各令如須彌山微塵數衆生。住邪定者。入正定聚。各令如須彌山微塵數衆生。隨其所樂生於天上。各令如須彌山微塵數衆生。安住聲聞辟

1 2 3 4 5 6 7 8 9 10 1 2 3 4 5 6 7 8 9 10

支佛地。各令如須彌山微塵數衆生。事善知識。具衆福行。各令如須彌山微塵數衆生。發於無上菩提之心。各令如須彌山微塵數衆生。趣於菩薩不退轉地。各令如須彌山微塵數衆生得淨智眼。見於如來所見一切諸平等法。各令如須彌山微塵數衆生安住諸力。諸願海中以無盡智而爲方便。淨諸佛國。各令如須彌山微塵數衆生皆得安住毘盧遮那廣大願海。生如來家。

疏第八。念念中下所化成益。

疏於中賢首對前開悟。以三義釋之一別配釋二。

圓通釋三各別釋。初者謂以前十法門。對後所成十益。一門得其一益。二三前却餘並如次。一以夢自在門。夢中警覺造惡衆生。令得斷惡免苦益。故二以菩薩行門。令人正定。三以現諸天歿生門。令生天受樂。以放逸則歿。尅念便生故。上三人天乘。四以動利現無常令厭。以歎佛神變令忻。成二乘益。下皆大乘。五以嚴利大願。令修福求向。六以攝生言詞。令發大心。以佛音聲。卽同體大悲故。七以佛雲雨法。令入菩薩不退之位。已上三位在地前。三賢八以照徧滿法界土及神變。令得初地已上。

1 2 3 4 5 6 7 8 9 10

1 2 3 4 5 6 7 8 9 10

撰述

聖嚴疏金卷六

智眼見平等法。九以佛普現徧法界解脫力。令得八地已上大力大願無盡智淨國土益。十以普賢建道場。令住佛果大願海。言生如來家者。入佛果位故生。非是初地以上生佛家也。二圓通者。此上十法於此十益。一一徧通。謂或一法成十益。或十法成一益。如是互徧。無所障礙。三各別者。謂前十法門。各自開悟世界海微塵數衆生。此以法爲益。後十益。但言須彌塵數。不言刹塵之國。則是已身以人爲益。既各別釋。則夢自在門亦顯。一切皆如夢故。延促等無礙。故云自在餘並可知。鈔

三各別者。前之二釋。一則一一別對。二則互相總對。今不對前。則七八兩段義不相關。七約法開悟。八約身成益。身法不同。故不相對。上言對前爲三者。前二相由。故名爲對。今與前別。亦是對前。疏此上菩薩法化。始從放光。終於得益。順數八段。逆推十二。重疊無盡。一其十須彌塵數衆生得益。方在一國。餘一切土皆爾。故云一一國各令等也。二此一切土益。在一念時中。餘一切念時皆爾。故云念念中也。三如是念念之益。方一法門所開悟。一一法門皆爾。四彼多法門。方是一念所用。餘念

念所用法門亦爾。五彼多念法門。方論一廣利。如一廣利如是。十刹塵數廣利皆爾。六彼多廣利方論一塵內如一塵。一切安立中諸塵亦然。七如上諸塵方是一安立海。如一安立海徧法界。諸安立海亦然。八徧法界安立海中業用方是一化菩薩所化。如一化菩薩十世界海化菩薩一一皆然。九諸化菩薩方是一光所現。如一光。一一光亦然。十彼十刹塵數光明方是一毛孔現。如一毛孔徧身一一毛孔皆然。十一。彼徧身毛孔方是一菩薩。如一菩薩有如是。十億佛刹微塵數箇世界海。微塵今乃逆收以彰深妙耳。

數菩薩徧身毛孔皆爾。十二。上來所明十一重作用。方論來此一會。如此一會。於餘佛會亦復如是。此後一段。偈文具之。鈔此上菩薩下。上約順釋。今乃逆收以彰深妙耳。

疏又上十二重一一開之爲二。便成二十四重。且如一念望一切念。即是二義類例相似。合之爲一。餘十一重。準此思之。如是重疊無盡。各周法界。唯智頓觀。非心識境。華嚴海會大用皆然。爾時諸菩薩光明中。同時發聲說此頌言。

諸光明中出妙音。普徧十方一切國。演說佛子諸功

123456789

德能入菩提之妙道。

疏第三光聲自述。前既光聲召命。今亦光聲自述。菩薩位極。用窮深廣。若非自述。時衆難知。十頌分二初一總明。兼陳說處。

劫海修行無厭倦。令苦衆生得解脫。心無下劣及勞疲。佛子善入斯方便。

盡諸劫海修方便。無量無邊無有餘。一切法門無不入。而恒說彼性寂滅。

三世諸佛所有願。一切修治悉令盡。即以利益諸衆生。而爲自行清淨業。

疏後九別顯德用殊勝。文分爲三。初三通顯體用自在。初偈悲智相導。度衆生而不疲。鈔悲智相導者。悲無大智。卽成愛見。愛見悲者。則於生死有疲厭心。今劫海修行而不疲厭。明有智導智。若無悲。則多趣寂。名爲下劣。今脫衆苦。心無下劣。卽有悲導矣。悲故能度智。故無疲。

疏次偈空有雙觀。入法門而常寂。鈔次偈空有雙觀者。空有雙觀。卽是前半。空無分量。有無邊際。入法門而常寂。卽是後半。由前觀有。入一切法門。由前觀空。而常寂滅。

疏後偈物我無滯故化他而自清。鈔後偈三世  
二利是願皆修斯則亦爲物我無滯便成後半化  
他自淨。

一切諸佛衆會中。普偏十方無不往。皆以甚深智慧  
海入彼如來寂滅法。

一一光明無有邊。悉入難思諸國土。清淨智眼普能  
見。是諸菩薩所行境。

菩薩能住一毛端徧動十方諸國土。不令衆生有怖  
想。是其清淨方便地。

見獲無礙慧莊嚴者。

三世所有一切劫。一刹那中悉能現。知身如幻無體  
相。證明法性無礙者。

疏次五頌別敘前現自在與前影畧。鈔與前影  
畧者。前有入塵此中卽無。此有住一毛端徧動諸  
利。塵塵多身利那頓現等。彼皆畧無。

疏一。身徧十方智觀寂滅。卽顯不唯來此會也。二。  
身光普入智眼徧觀。三。住一毛端徧動諸利。况乎  
於上處寶蓮華。四。塵塵多身門門化異。舉一歿生  
門。可以例諸。五。念劫無礙結由證深。念劫既融。故

於念念能作。法性無碍者。分與無分皆無礙故。謂證理不唯無分故。在一切處而全在一法。一切法亦然。各有四句。身等不唯分故。常在此而無在思之。鈔分與無分者。總相而言。分卽是事。無分是理。理事既融。故無障礙。各有四句者。事理皆四故。理四句者。一無分限。以徧一切故。二非無分。以一法中無不具故。三具分無分。謂分無分一味。以全體在一法而一切處恒滿故。如觀一塵中見一切處法界。四俱非分無分。以自體絕待故。圓融故。二義一相。非二門。故事四句者。一有分。以隨自事相。

有分齊故。二無分。以全體卽理故。大品云。色前際不可得。後際不可得。此卽無分也。三俱。以前二義無礙。是故具此二義方是事故。四俱非。以二義融故。平等故。二相絕故。身等不唯分故者。謂由上諸義。理性不唯無分故。在一切處而全體在於一內。不唯分故。常在一中。而全在一切處。事法不唯分故。常在此處。恒在他方。不唯無分故。徧一切處而不移本位。又由理性不唯無分故。不在一事外。不唯分故。不在一事內。事法不唯分故。常在此處而無在。不唯無分故。常在他處而無不在。是故無在。

無不在。而在此在彼無有障礙也。然此中有兩對事理。各有二四句。乃成八句。疏中但出二句。謂上云證理不唯無分故。卽初對約理一句。其一切法皆爾者。舉例耳。今云身等不唯分者。卽是後對中約事一句。以身等卽事也。餘之六句。畧而不岀。故上總言各二四句。意中含取。

普賢勝行皆能入。一切衆生悉樂見。佛子能住此法門。諸光明中大音吼。

疏後一偈結廣有歸。普賢勝行皆入。非獨向來所陳。故能光中演斯自在。

爾時世尊欲令一切菩薩大衆。得於如來無邊境界。神通力故。

疏大文第四。現瑞表法。上所現相。但召有緣。衆集將陳。故重現斯瑞。瑞文有三。初。光示法王。二。現華表義。三。現衆表教。法藉人弘。故光明王。義爲教本。故在教前。今初示王。文分爲六。一意。一體。三名。四相。五展。六收。今初可知。

放眉間光。

疏二。放眉間光。卽光體也。眉間者。表離二邊故。於體不計有無二邊。於義不著常無常等。諸法相邊。

於行不習苦樂二邊。於道不住邪正二邊。於人不執因果二邊。於教不說世出世二邊。於諦不見眞俗二邊。於化不定權實二邊。是故爲衆放眉間光鈔於體不計有無者。一切法體不出有無。於義不著常等。就一有上。自有常無常之義。謂生滅是無常義。不生滅是常義。又不生滅是無常義等。只要一有法上。即有常無常。我無我。苦之與樂。淨非淨等。故示諸法相徧。於行不習苦樂者。斷見計樂行。常見計苦行等。住正道者。則不分別是邪是正。因果交徹故。世間性空。即是出世。隨順觀察。世諦實是卽權之實故。

此光名一切菩薩智光明普照耀十方藏。

疏三。此光下辯光名。菩薩智光者。令得能知智也。普照十方藏者。令照所知境也。藏有三義。一。智光舍德無盡故。二。以十方利海各於塵內重含諸刹故。三。亦通於五藏。以言智光故。照初二藏。令菩薩證照次二藏。令菩薩成證。則得於涅槃成則。得於菩提。照第五藏。令化令淨。三中後二。如下業中。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

鈔照初二藏者。一如來藏。在纏含果法故。二自性清淨藏。在纏不染故。此二本有。故令其證。照次二藏者。一法身藏。謂果位爲功德所依故。二出世間上上藏。謂出纏超過二乘菩薩故。並已出纏。故致成言。照第五藏者。以第五法界藏。通因通果。外持一切染淨有爲。名爲法界。內舍一切恒沙功德。故復名藏。以有因故化之。以有染故淨之。餘如前說。三中後二者。卽藏有三義。中後二義。下動利網。一塵中。現無數佛。卽第二義。雨三法雨。卽第三義。妙法輪雲。卽如來藏。便是所證。一出離雲。卽令化。

令淨。三大願雲。令得令成義。

其狀猶如寶色燈雲。

疏四。其狀下顯相。謂色如燈雲。猶日月洞照。周徧潤澤。雨法雨故。如相海品。鈔謂色如燈雲者。相海品云。如來眉間有大人相。名徧法界光明雲。摩尼寶華。以爲莊嚴。放大光明。具衆寶色。猶如日月。洞徹清淨。其光普照十方國土。於中顯現一切佛身。復出妙音。宣揚諸法。

徧照十方一切佛刹。

疏五。徧照下展。卽光業用。於中分五。一。所照分。

齊。謂盡十方一切佛刹。

其中國土及以衆生悉令顯現。

疏二。光所現。謂土及衆生。

又普震動諸世界網。

疏三。動利網。以諸世界重疊影現。交互相當。猶如網孔。

一一塵中現無數佛。

疏四。塵現如來

隨諸衆生。性欲不同。普雨三世。一切諸佛妙法輪雲。顯示如來波羅密海。又雨無量諸出離雲。令諸衆生

永度生處。復雨諸佛大願之雲。顯示十方諸世界中。普賢菩薩道場衆會。

疏五。隨機雨法。畧舉三法。皆下所顯。初法輪雲。示其所行。二出離雲。示其所度。三大願雲。示說法王。謂將說普法。令知法王。大願普周利塵內故。作是事已。右繞於佛。從足下入。

疏第六。作是下收。則示有終歸。證從佛流。眉間出光。修因順果。故須右繞。自下升高。故從足入。履佛。所行方證入故。

爾時佛前有大蓮華忽然出現。

疏第二。爾時佛前下現華表義文有二別。一。總標華現爲座所現中方衆故。通表所詮佛華嚴故。別表華藏佛所淨故。故於佛前出此蓮華。既通表華嚴亦具同時具足等十門。及教義等。而其本意正表義耳。忽然現者。依理起事。難測量故。鈔亦具同時者十門可思。但法是所依體事中一華事耳。言教義等者。即是十對所依體事。由此華事爲理所融。故具十對。令同時等。而賢首約義釋成云。一教義。謂見此蓮華能生解故。二事理。華即是事。舉體同真故。三境智華是所觀。同智性故。四行位。

是萬行華隨位別故。五因果。因事之華。覽成果故。六依正。全是所修。亦能依故。七體用。體同真性。用應機故。八人法。恒覽於人。攝爲法故。九逆順。逆同五熱順十度故。十感應。徧應一切。亦能感故。而其本意者。以十玄十對。凡舉一事。必具十玄。凡一玄門。必收十對。泛明一法。一一圓收故。若作義者。但是傍來。然其本意。唯表義耳。忽然現者。隨難牒釋。準觀佛三昧海經第二明地金剛白毫相光云。此相現時。佛菩提樹白毫力故。根下自然化生寶華縱廣正等。四十由旬。其華金色。金剛爲臺。佛眉間

光。照此華臺。其光直下。至金剛際等。與此大同。

其華具有十種莊嚴。一切蓮華所不能及。

疏一。其華下顯具德嚴。文亦有二。先標十種顯德。無盡。

所謂衆寶間錯以爲其莖。摩尼寶王以爲其藏。法界衆寶普作其葉。諸香摩尼而作其鬚。闍浮檀金莊嚴其臺。妙網覆上。光色清淨。

疏後所謂下別列十句。前六體備衆德。後四妙用自在。今初蓮子住處。有含藏之義。故名爲藏。表示法門一含一切。華藏之名。由此而立。

於一念中。示現無邊諸佛神變。昔能發起一切音聲。摩尼寶王影現佛身。於音聲中。昔能演說一切菩薩所修行願。

疏後妙用中。一念况多。摩尼寶王卽前藏體。影現佛身。卽依正無礙。旣發多聲。聲皆演法。此華生已。一念之間。

疏第三。此華生下。現衆表教。文畧有三。一現衆時。言一念者。華生無間。表教義相應。

於如來白毫相中。

疏二。現衆處。謂白毫中表教從所證淨法界所流。

爲衆教源。如白爲色本。

有菩薩摩訶薩名。一切法勝音。與世界海微塵數諸菩薩衆俱時而出。

疏三。有菩薩下正明衆現亦分爲三。一主屬齊現。徧詮諸法。故云一切所詮圓滿。是曰勝音圓教法門。必攝眷屬。故下文云。世界海微塵數修多羅。以爲眷屬。權實無礙。故曰俱時。

右繞如來經無量帀。禮佛足已。時勝音菩薩坐蓮華臺。諸菩薩衆坐蓮華鬚。各於其上次第而坐。

疏二。右繞下。申敬就座。王伴雖殊。並修因順果。故

右繞如來。文義相隨。故依華坐。正助不等。臺鬚有差。上義依理明。故忽然而現。今教由人立。故衆從佛流。亦如涅槃從牛出乳。鈔亦如涅槃等者。卽第十四經南本十三云。爾時衆中有一菩薩。名住無垢藏王。有大威德。成就神通。得大總持。三昧具足。得無所畏。卽從座起。偏袒右肩。右膝着地。長跪合掌。白佛言。世尊。如佛所說。諸佛菩薩所可成就功德智慧。無量無邊。百千萬億。實不可說。我意猶謂。故不如是大乘經典。何以故。因是大乘方等經力。故能出生諸佛世尊阿耨多羅三藐三菩提。時

佛讚言。善哉善哉。善男子。如是如是。如汝所說。是諸大乘方等經典。雖復成就無量功德。欲比是經不可爲喻。百倍千倍百千萬億乃至算數譬喻所不能及。善男子。譬如從牛出乳。從乳出酪。從酪出生酥。從生酥出熟酥。從熟酥出醍醐。醍醐最上。若人服者。衆病皆除。所有諸藥悉入其中。善男子。佛亦如是。從佛出十二部經。從十二部經出修多羅。從修多羅出方等經。從方等經出般若波羅密。從般若波羅密出大涅槃。猶如醍醐。言醍醐者。喻於佛性。佛性者。卽是如來。以是義故。說言如來所有。

功德無量無邊。不可稱計。釋曰。彼約講法勝能。從微至著。今但依從佛出教。以况眉間出衆。然此經文諸說不同。若澤州先於菩薩申已解中。有一問云。此經是其言教。阿耨多羅三藐三菩提是其果證。教淺證深。何故菩提不及是經。釋言。此中偏名宣說佛性之詮。法身之教。以之爲經。所證卽是性淨因果。所生菩提。是其方便。因果性淨爲本。方便爲末。末不如本。故佛菩提功德不及準佛答。其義如是。次下釋佛答。合中云。以佛合牛。約應身佛。十二部經合乳說。小乘經修多羅合酪。名大乘教藉。

小開大故名爲出後四俱大乘詮事之教。名修多羅謂施戒等事。方等合生酥。卽大乘中破相空教。因事顯理。故名爲出以般若合熟酥。究竟離相證實之慧。名爲般若。依理起慧。是故名出。又約行辯教亦得名出。般若經然此般若。卽是向前菩提體也。以醍醐合涅槃。般若了因。了彼無始法性涅槃。是故名出。約實辯教亦得名出。涅槃經言佛性卽是如來者。是法身如來。非報身如來。報身功德不及此經。故不卽之上。皆遠公之意。若望經意。未必如是。謂此公豎將大小事理。以配五味。乃成屈曲。

如何不說大乘十二部等。今謂無垢藏意。唯推功歸本。果從教生。如來迹成。成其推功之義。醍醐最上。功本由乳。如來至極。功歸於教。故涅槃卽是如來。如來卽前菩提。誠謂滔滔之水。本於濫觴。合抱之樹。生於毫末。故說教爲佛本。何用疆分小大法報別耶。然佛自揀此經異於小乘。今牛出乳。是大教耳。若爾何成五味。謂十二部經。辯所說教。出修多羅者。十二分教。出生契理合機之義。故修多羅出方等者。由契理故。顯出真理。正理廣陳爲方等。故從方等出般若者。依理生智故。般若出涅槃者。

以智契理成極果故。故云涅槃猶如醍醐。醍醐喻於佛性。佛性卽是如來。文理昭然。何須屈曲。亦有說言。從佛出十二部經。是本質教。從十二部出修多羅。是影像教者。亦是妄推度耳。都無本影之意。其一切法勝音菩薩。了深法界。生大歡喜。入佛所行。智無疑滯。入不可測佛法身海。在一切利諸如來所。身諸毛孔。悉現神通。念念普觀。一切法界。十方諸佛。共與其力。令普安住一切三昧。盡未來劫。常見諸佛。無邊法界。功德海身。乃至一切三昧。解脫神通變化。疏三。其一切下。彰其德業。主教是宗。故偏歎主。文

有十句。畧爲二解。一。豎配十地。明此普攝十地功德。一句一地。初地歡喜得智。證如二地性戒。是佛所行。三地多聞。入法身海。四行道品。善友是依。五地雙行。現通利物。六觀法界。般若現前。七功用已終。故佛與力。八無生無動。住三昧心。九爲法師。見無邊法。十具於大盡。二昧等圓。初地尚攝諸地功德。況於後後不具前前。

疏二。橫就極位釋者。一理智了真。二量智入行。三證窮法身。四常觀受用。五毛現神變。六念觀法門。七外感佛加。八內安深定。九豎見來際。十橫無不

圓。

疏故此十句攝爲五對。若橫若豎能詮必具。故爲二釋。鈔故此十句者重收前釋一如理如量對。二法身報身對。三身毛心念對。四外感內安對。五豎見橫圓對。

○疏大文第五稱揚佛德既現既至任力稱揚自申罔極之情顯佛無涯之德鈔既現既至者疏於釋文之前總彰歎意於中有二先正釋既現卽勝音讚既至卽十方菩薩讚罔極者卽無極之情故詩序云情動於中而形於言言之不足則詠歌之

詠歌之不足則不知手之舞之足之蹈之故生公用此意釋說偈意云以罔極之心詠歌舞蹈耳

疏文分爲二初一眉間菩薩讚後十十方菩薩讚新衆纔集佛便現瑞文不累書故編成次以讚德相類結集併之一處乘現勝音之次先舉勝音之偈後十菩薩卽如次十方昔人不曉斯文便將後十爲勝音眷屬非唯章疏之失亦乃翻譯有違何者且眉間出衆卽王伴皆讚十方來衆寂無一言王伴禮儀一何疎索况準法界品例來者皆有讚詞細尋菩薩之名與前十方如次相似但由譯人

不審致令名小乖差至下文中。一一對辯。鈔二  
新衆纔集下明讚亦二先正明亦是通妨謂有問  
言若以後十爲十方菩薩讚者十方先來何以後  
讚故今通云現瑞與讚二皆同時則勝音與十方  
讚亦同時自是結集集讚一處又應問言既是結  
集排次居然合排十方在前何以向後故釋云乘  
前讚勝音德次是故先舉勝音讚耳。

卽於衆中承佛威神觀察十方而說頌曰。

疏今初勝音文分二先說偈儀後正說偈下十例  
然偈中總相讚佛亦含諸問思之可知鈔亦含

諸問者文含四十句且收十海初偈卽佛海次偈  
演說海三一偈變化海一毛示現故四一偈衆生  
海五一偈世界海六一偈法界安立海七一偈波  
羅密海八一偈佛壽量海已證佛地必有壽故九  
一偈解脫海普賢開覺已離障故已獲神通作用  
解脫故十一偈名號海身雲普偏隨物立名故十  
海旣爾攝餘句問例然故令思之。

佛身充滿於法界普現一切衆生前隨緣赴感靡不  
周而恒處此菩提座。

疏十頌分三初三直就佛歎次六約衆歎佛三有

一偈雙結王伴。初中三偈皆歎如來體用無碍。於中初一不動本而周徧則十身圓融徧四法界。鈔十身圓融者以但言佛身故通十身。但云法界故通四界。以體卽理用卽是事。體用無碍卽事理無碍卽一卽徧。卽事事無碍。又初句體徧次句明用第三句明用徧第四句不動本也。本有二種。一真身爲本。本體自徧。以用如體故不動本而普徧。二應用之中。自有本末。菩提座身卽本。周十方卽未。故下不起樹王而昇四天。正明不動本而周徧。今明雖徧法界而處此座。明不壞末而歸本。此二

不相離。故疏以不動本而周徧釋不壞徧而歸本。如來一一毛孔中。一一利塵諸佛坐。菩薩衆會共圍繞演說普賢之勝行。如來安處菩提座。一毛示現多利海。一一毛現悉亦然。如是普周於法界。

疏後二不壞小相而廣容。上則事如理故。此則事舍理故。於中前一偈半。一毛攝三世間。後半類餘。謂徧法界內。皆有佛身。無有一毛不含利海。又一毛表解脫門。諸佛菩薩智所住故。現多利海者。門門皆是淨土因故。鈔上則事如理故者。菩提座

身是事。以如理故周徧。此則事合理者。一毛是事。無不包故。由理有二義。一無處不徧。二無法不包。猶如虛空。具包徧義。今事如理故。具上二義。卽事事無碍中。事理融通門也。又一毛者。約觀心釋。一毛內空能容受故。

一一利中悉安坐。一切利土皆周徧。十方菩薩如雲

集。莫不咸來詣道場。

一切利土微塵數功德光明菩薩海。普在如來衆會中。乃至法界咸充滿。

疏次六偈約衆歎者。聖賢輔翼顯王勝故六偈總

明三王伴皆徧於中。初二總身總相徧。

法界微塵諸利土。一切衆中皆出現。如是分身智境界。普賢行中能建立。

一切諸佛衆會中。勝智菩薩僉然坐。各各聽法生歡喜。處處修行無量劫。

已入普賢廣大願。各各出生衆佛法。毘盧遮那法海中。修行克證如來地。

普賢菩薩所開覺。一切如來同讚喜。已獲諸佛大神通。法界周流無不徧。

疏後四總身徧別中。旣微細難思。故唯普智方知。

普行方立。鈔初二總身者。然有四句。謂一總徧總中。二總徧別中。三別徧別中。四別徧總中。然所徧通依正。且約能徧爲正。所徧爲依。依正各有總別。正總卽全身。別卽眼耳。乃至一毛。依總卽全一國土。別卽若樹若石。乃至一塵。初但云刹中安坐。故是總身總相徧。後明身徧塵中之土。總徧別中一切刹土微塵數。常現身雲悉充滿。普爲衆生放大光。各雨法雨稱其心。

疏三雙結可知。

爾時衆中復有菩薩摩訶薩。名觀察一切勝法蓮華

光慧王。承佛威神。觀察十方而說頌曰。

疏第二。十方菩薩讚德。十方卽爲十段。今初東方言衆中者。大衆海中。前列名處。名觀察勝法蓮華幢。幢相高出。王是超勝。此喻相似。光慧卽是所喻幢體。鈔言衆中者爲揀昔解。以爲勝音眷屬讚故。則是勝音衆中菩薩。故今明是新舊大衆海中。如來甚深智。普入於法界。能隨三世轉。與世爲明導。疏偈中讚佛真應。二身密答佛地。如來智等攝佛地。故十頌分二。初三讚真。後七讚應。讚真必體用。雙美讚應。唯約用明。欲顯門差。實非體外。今初也。

於中初一讚智身。次一讚法身。後一雙結智舍四  
智法卽法界五法具矣。智中上半正體證真下  
半後起隨俗。又句各一智。初句大圓鏡智。行相深  
細故。次句平等性智。自他平等。卽法界故。次頌妙  
觀察智。於自共相無碍轉故。末句成所作智。成就  
利他導世事故。鈔又句各一智者。上約二智。此  
約四智。四智之相。已見第一經。今但取其與今經  
文相應之處引之耳。

諸佛同法身無依無差別。隨諸衆生意令見佛色形。  
疏二讚法身中。上半體相皆同。同有二義。一。本性

法身體同。言無依者。無住本故。無差別者。體無  
故。二。已證法身相同。力無畏等皆無畏故。此則無  
碍慧身不依一切。離諸分別是無差別。鈔力無  
畏等者。卽問明品文經云文殊法常爾。法王唯一  
法。一切無碍人。一道出生死。一切諸佛身同共一  
法身。一心一智慧力無畏亦然。言相同者。卽相似  
名同。非謂共也。此則無碍者。上以無住本釋無依。  
無依是理故。無住卽實相之異名。今以智慧釋無  
依。故出現品云。一切佛法依慈悲。慈悲復依方便。  
立方便依智。智依慧。無碍慧身無所依。離諸分別

者上釋無差別約理無二今釋無差但心無分別耳故無差別與無分別有通有局局則無差別是理無分別約智通則理亦得名無分別故問明品云佛利無分別無憎亦無愛智亦得名無有差別謂無差別智爲能證故今用通義以無分別釋無差別。

疏下半用同能現能生身土智影皆無二故卽法身無色應物現形鈔能現能生身土智影皆無二故者卽唯識大圓鏡智之能亦如上引卽法身者引證此語正是筆論論云法身無色應物現形

般若無知對緣而照若取本據卽是經云佛身法身猶若虛空應物現形如水中月下經亦云佛依法爲身清淨如虛空所現衆色形令入此法中

具足一切智徧知一切法一切國土中一切無不現疏三雙結者上半結智上句根本下句後得下半結法但舉其用體通上下以智契如故金光明說如如及如如智爲法身故鈔以智契如下會上二身令無障礙是真法身引金光明已如上引卽三身品

佛身及光明色相不思議衆生信樂者隨應悉令見

10

1 2 3 4 5 6 7 8 9 10 1 2 3 4 5 6 7 8 9 10

疏後七讚應分三。初一隨樂現應。不思議者。隨緣無邊故光明覺云。億那由劫共思量。色相威德轉無邊等。

於一佛身上化爲無量佛。雷音徧衆利。演法深如海。疏次四身光演法。初一化身演法。望前應身。卽重化也。鈔望前應身者。應身對法報應是化身。今於應身上起化。故云重化。如釋迦是應身。涅槃受供於其毛端現多化佛。卽重化也。

一一毛孔中光網徧十方。演佛妙音聲。調彼難調者。如來光明中常出深妙音。讚佛功德海。及菩薩所行。

### 疏次二毛光演法

佛轉正法輪。無量無有邊。所說法無等。淺智不能測。疏後一結歎難量法輪義如別說。

一切世界中現身成正覺。各各起神變。法界悉充滿。如來一一身現佛等衆生。一切微塵刹。普現神通力。疏後二偈成道起通上皆圓融。亦有十身。且從一義耳。

爾時衆中復有菩薩摩訶薩。名法喜慧光明。承佛威神觀察十方而說頌曰。

疏第二南方法喜菩薩前雲集中。名普照法海慧。

會義亦同光明卽照法故十頌歎佛寂用應機德  
荅前境界法身顯現卽分齊境無生無體卽所觀  
境衆生國土皆所化境

佛身常顯現法界悉充滿恒演廣大音普震十方國  
疏於中分三初四依真起應於中分二先一顯  
真佛身常者第一義常出三世故智符於理湛然  
常照顯者離二障故現者常在前故不同衆生自  
體常也鈔初一偈顯真者此約法報無碍之身  
爲真佛也第一義常者本有常也智符於理湛然  
常照者修成合本有也若依法相後常是相續常  
身智性本有非照今有

今依法性宗冥符於理同理常也故生公涅槃疏  
云夫真理自然悟亦冥符真卽無差悟豈容易不  
易之體爲湛然常照卽其義也顯者離二障者亦  
有二意若別說者離煩惱障故法身顯離所知障  
故智身成合則二障俱障一身離於二障俱顯二  
身智性本有非照今有

疏法界悉充滿者諸根相好一一無邊無限福智  
所莊嚴故鈔諸根相好一一無邊者卽自受用  
身果無限福智所莊嚴者卽自受用因故唯識云  
二受用身此有二種一自受用謂諸如來三無數

劫修集無量福慧資糧所起無邊真實功德及極圓淨常徧色身相續湛然盡未來際恒自受用廣大法樂釋曰以論對疏居然可知。

疏次二句音恒用普恒自受用廣大法樂故。

如來普現身徧入於世間隨衆生樂欲顯示神通力佛隨衆生心普現於其前衆生所見者皆是佛神力

光明無有邊說法亦無量佛子隨其智。能入能觀察

疏下三偈起用初一普隨物樂次一感應道交後

一法光無際鈔初一普隨物樂下三義皆通他

受用身及變化身故唯識云二他受用謂諸如來

由平等智示現微妙淨功德身居純淨土爲住十地諸菩薩衆現大神通轉正法輪決衆疑網令彼受用大乘法樂。

佛身無有生而能示出生法性如虛空諸佛於中住無住亦無去處處皆見佛光明靡不周名稱悉遠聞無體無住處亦無生可得無相亦無形所現皆如影疏二有三偈體用無碍於中初二句約相無生現生次二句約性無住而住次一偈約用無去住而普周後偈體用雙拂謂無體拂上無生無生爲佛法體故今體卽非體鈔無生爲佛法體者諸經

撰述

華嚴疏卷六之一

論中皆詮無生之理故淨名不二發始明之楞伽經說一切不生中論不生爲論宗體傳大士亦云佛法以無生爲體無著爲宗忘相爲因涅槃爲果諸文非一。

疏無住處者拂約性二句亦無生可得拂示生句下半拂前第二偈約用用如影故鈔無住處者拂約性二句者以約性云法性如虛空諸佛於中住似有住處今謂法性如空則無所住況體無生安有能住不住諸法方住法性故上文云諸佛於中住金剛經云應無所住而生其心若心有住則

爲非住大品云若住一切法不住般若波羅密不住一切法方住般若波羅密故大般若會會之初皆光明無住

佛隨衆生心爲興大法雲種種方便門示悟而調伏一切世界中見佛坐道場大衆所圍繞照耀十方國一切諸佛身皆有無盡相示現雖無量色相終不盡疏三有三偈明真應無盡一法雲無盡二衆會無盡三身相無盡無盡相言兼真身故終不盡者全同體故鈔無盡相言兼真身故者一應用無盡若鏡對萬形二真體無盡此復二種一十蓮華藏

之色相故。一一色相體無窮盡湛然不變故經云。如來妙色常安隱。不爲時節劫數遷。大聖曠劫行慈悲。獲得金剛不壞體。勝鬘云。如來色無盡智慧亦復然。

爾時衆中復有菩薩摩訶薩。名香燄光普明慧承佛威神觀察十方。而說頌曰。

疏第三 西方香燄菩薩前名月光香燄普莊嚴此中光卽月光明慧卽是智慧莊嚴十頌讚佛身舍衆海卽荅加持問由加能入故。

此會諸菩薩入佛難思地。一一皆能見一切佛神力。

疏於中前九讚衆海則佛德可知。後一結德歸佛前中初一總餘八別。

智身能徧入。一切利微塵。見身在彼中。普見於諸佛。如影現衆刹。一切如來所於彼一切中。悉現神通事。普賢諸行願修治已明潔能於一切利普見佛神變。身住一切處。一切皆平等智能如是行入佛之境界。疏別中二前四平徧一切於中初一。智身入利塵次一。色身普現用後二釋成前義。一。普賢行圓故二身心平等故。

已證如來智等照於法界。普入佛毛孔。一切諸刹海。

一切佛國土皆現神通力。示現種種身。及種種名號。能於一念頃。普現諸神變道場。成正覺。及轉妙法輪。一切廣大利億劫。不思議菩薩三昧中。一念皆能現。疏後有四偈。明微細入於毛孔刹中。而作用故。疏後有四偈。明微細入於毛孔刹中。而作用故。

一切諸佛土。一一諸菩薩。普入於佛身。無邊亦無量。疏後一結中。非唯一會。一切菩薩皆入佛身。方爲讚佛。

爾時衆中。復有菩薩摩訶薩。名師子奮迅慧光明。承佛威神。徧觀十方。而說頌曰。

疏第四。北方菩薩此同本名。但加慧字。然此十頌

歎佛依體起用。轉大法輪。答前佛行。佛以轉法化生爲其行故。

毘盧遮那佛。能轉正法輪。法界諸國土。如雲悉周徧。疏文中分三初二句總次半偈。并後八偈。共八偈半。別後一偈結。

十方中所有。諸大世界海。佛神通願力。處處轉法輪。一切諸刹土。廣大衆會中。名號各不同。隨應演妙法。如來大威力。普賢願所成。一切國土中。妙音無不至。佛身等刹塵。普雨於法雨。無生無差別。現一切世間。無數諸億劫。一切塵刹中。往昔所行事。妙音咸具演。

十方塵國土。光網悉周徧。光中悉有佛。普化諸羣生。  
 佛身無差別。充滿於法界。能令見色身。隨機善調伏。  
 三世一切利。所有衆導師。種種名號殊。爲說皆令見。  
 疏別中。讚佛十化。前法界諸國土二句。現受生化。  
 處處受生身雲徧故。今十方中所有等一偈。讚神  
 通化。末句雖云轉法。意在通用。三有三句。讚素果  
 化。一切諸利名號不同者。示同趣類業報名字故。  
 上三依身。四隨應演妙法者。卽辨揚化。隨應則能  
 斷彼疑故。五一偈。勸讚勵化。妙音讚勵故。六一偈。  
 慶慰化。普雨法雨。令彼進修無生法故。上三語業。

七有一偈領受意化。領問受取。演昔行故。八有一  
 倶。決擇意化。決擇有情心行差別。及揀諸法性相  
 不同。方能普化故。九一偈。發起意化。發起宿善及  
 三乘大行。爲善調故。十有一偈。造作意化。建立佛  
 法事義。種種皆令見故。依實起用。即是化身。故說  
 化身無別心色。此之十化與佛地經次第無違。但  
 令相融。不違經旨。鈔十化者。卽佛地經說。佛身  
 有十化。初依身輪起三種化。一受生化。謂受最後  
 身。二神通化。謂諸變等。三業果化。謂受金鏘等。次  
 依語輪起三種化。一辨揚化。謂轉法輪斷疑答難。

二讚勵化。謂讚勝勸學。三慶慰化。謂有進修。或能  
斷證。隨喜慶慰。意化有四。一領受意化。謂領問受  
取等。二決擇意化。謂觀有情心行差別。揀擇諸法  
性相不同。三發起意化。謂能發起宿世善根。及令  
二乘發大行等。四造作意化。謂能建立諸法事義。  
是故當知依實起用。即是化身。故說化身無別心  
色。釋曰。上卽論文疏文具用。欲會釋經。少有添減。  
但觀向引。自分疏中主客之言。  
過未及現在。一切諸如來所轉妙法輪。此會皆得聞。  
疏末後一偈。結歸斯會可知。

爾時衆中復有菩薩摩訶薩。口法海慧功德藏。承佛  
威神。觀察十方。而說頌曰。

疏第五東北方法海菩薩。前衆集中。名最勝光明。  
燈無盡功德藏。法海可當最勝。光明義與慧同功。  
德藏名前後無別。無盡二字。前有後無。十頌讚佛。  
攝勝眷屬。答佛力問。寄讚菩薩。實由佛力。故結云  
住力地中。

此會諸佛子。善修衆智慧。斯人已能入。如是方便門。  
疏文中。初一智滿得法。卽爲總相。如是方便門者。  
此有二意。一指前謂具前三輪之化。故能周徧一

1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷六十一

四

五

一國土。二卽下九別爲如是方便也。

一一國土中。普演廣大音。說佛所行處。周聞十方。利疏餘九別相。共讚七事。一讚普演大音。有三種大者處大。一一國故。二者義大。說佛行故。三者體大周聞十方故。

一一心念中。普觀一切法。安住真如地。了達諸法海。

疏二讚時無空過。念念觀法。證真實故。

一一佛身中。億劫不思議。修習波羅密。及嚴淨國土。疏三能入勝處。諸佛身中。修淨國故。

一一微塵中。能證一切法。如是無所礙。周行十方國。

疏四於染無碍。塵中證法而周行故。

一一佛利中。往詣悉無餘。見佛神通力。入佛所行處。疏五能入佛境。見佛神力。入行處故。行處有二。一智行處。謂十力境。二佛化處。謂器及衆生。

諸佛廣大音。法界靡不聞。菩薩能了知。善入音聲海。疏六有三頌。善入音聲。初入大音。

劫海演妙音。其聲等無別。智周三世者。入彼音聲地。疏次入妙音。

衆生所有音。及佛自在聲。獲得音聲智。一切皆能了。疏後入一切音。

123456789

123456789

從地而得地。住於力地中。億劫勤修行。所獲法如是。  
疏七一頌。善知諸地。言從地者。卽出心也。而得地  
者。卽住入也。力地中者。卽佛地也。所獲法者。結上  
方便也。

爾時衆中。復有菩薩摩訶薩。名慧燈普明。承佛威神。  
觀察十方。而說頌曰。

疏第六東南方慧燈菩薩。名全同前。十頌讚諸菩  
薩悟入深廣。由三昧力。見佛三昧。卽答三昧問也。  
一切諸如來。遠離於衆相。若能知是法。乃見世導師。  
菩薩三昧中。慧光普明了。能知一切佛。自在之體性。  
疏於中分四。初二歎見佛真體。一見佛離相。二見  
佛自在。言離衆相者。般若云。離一切諸相。則名諸  
佛。慈氏論云。但離四相。卽離一切。謂名義。自性。及  
差別也。言自在者。由菩薩定慧雙運。故見佛自在  
也。鈔離一切諸相。則名諸佛者。復有文云。若見  
諸相非相。則見如來。以此論者。引此釋上。離一切  
言故。四加行位菩薩。但觀此四。四者一名二義。三  
名義。自性。四名義。差別。名卽能詮。義爲所詮。名中  
有句。名詮。自性。句詮。差別。則名中有自性。差別。義  
中亦有自性。差別。能詮。所詮。此二相異。故二別觀。

若名義自性。名義差別。二二相同。故合觀察。謂觀於名。必詮自性。若觀於句。必詮差別。故自性名與自性義。此二相同。名義差別。相同亦爾。見佛真實體。則悟甚深法。普觀於法界。隨願而受身。從於福海生。安住於智地。觀察一切法。修行最勝道。一切佛利中。一切如來所。如是徧法界。悉見真實體。十方廣大利。億劫勤修行。能遊正徧知。一切諸法海。疏次四。頌明悟法。一證深理法。願力而現。二悟多行法。福智成形。三達果法。體無不徧。四了教法。深廣難知。

唯一堅密身。一切塵中見。無生亦無相。普現於諸國。隨諸衆生心。普現於其前。種種示調伏。速令向佛道。疏三有二頌。歎身業普應。一深二廣。云堅密者。齊佛體用。堅卽金剛之身。密謂三密之一。卽一而多。故徧一切。卽大而小。故現塵中。無功之應。故無相而現。若約法門。此身卽如來藏性。也不可破壞。故堅深而難見。故密。衆生。堅心。無不皆具。本自有之。故曰無生。體絕百非。故曰無相。衆生六根。是謂諸國。

以佛威神故。出現諸菩薩。佛力所加持。普見諸如來。

1 2 3 4 5 6 7 8 9

10 1 2 3 4 5 6 7 8 9

10 1 2 3 4 5 6 7 8 9

一切衆導師。無量威神力。開悟諸菩薩。法界悉周徧。  
疏四後二頌。歎得佛加持。一此佛力。二餘佛力。  
爾時衆中。復有菩薩摩訶薩。名華燄髻。普明智。承佛  
威神。觀察十方。而說頌曰。

疏第七西南方。前列名處云。普華嚴髻。少同多異。  
十頌歎佛攝生自在德。答前自在問。

一切國土中。普演微妙音。稱揚佛功德。法界悉充滿。  
佛以法爲身。清淨如虛空。所現衆色形。令人此法中。  
疏文分爲三。初六攝生無遺。次二寂用無碍。後二  
大用無涯。今初文二。初二能攝。謂身語深廣。前偈

語後偈身。身中上半體。客塵不染故。下半用隨物  
見異故。亦是釋疑。爲物現相。不乖如空。鈔亦是  
釋疑者。疑云。既以法爲佛身。清淨如虛空。何緣現  
金色等。云。阿令人悟於虛空。答有三意。一體雖無  
相。爲物現相。物宜見故。隨他意耳。二若不見相。云  
何令人悟於無相。如不因言。豈顯無言之理。上二  
意。卽爲物現相句中通之。三如虛空言。取其清淨  
無相。非離相求。相卽無相。故不乖空。故下經云。佛  
住甚深真法性。寂滅無相同虛空。而於第一實義  
中。示現種種所行事。所行利益衆生事。皆因法性

而得有相與無相無差別。入於究竟皆無相故。不乖無相。相卽無相耳。

若有深信喜及爲佛攝受。當知如是人能生了佛智。疏後四偈所攝。初偈何人能了。內信外攝者。

諸有少智者。不能知此法。慧眼清淨人。於此乃能見疏次偈以何眼見。唯勝非劣。

以佛威神力。觀察一切法。入住及出時。所見皆明了。疏次偈了見何法。謂一切法地。地三心。鈔地。地三心者。卽入住出下當廣說。

一切諸法中。法門無有邊。成就一切智。入於深法海。

疏後偈何位究竟。菩薩地盡。至入佛海。

安住佛國土。出興一切處。無去亦無來。諸佛法如是。一切衆生海。佛身如影現。隨其解差別。如是見導師。疏次二寂用無碍中。初偈用徧出興體。無來往。後偈卽用恒寂。隨解自差。

一切毛孔中。各各現神通。修行普賢願。清淨者能見佛。以一身。處處轉法輪。法界悉周徧。思議莫能及。疏後二天用無涯者。初一一毛。皆普現通。後一一身。各徧轉法。

爾時衆中。復有菩薩摩訶薩。名威德慧無盡光。承佛

威神觀察十方而說頌曰。

疏第八。西北方菩薩前名無盡光摩尼王。此云威德慧。卽摩尼王。法喻異耳。十頌歎佛出現說法。皆周徧德。荅無畏問。說法無畏故。

一一佛利中。處處坐道場。衆會共圍繞。魔軍悉摧伏。佛身放光明。徧滿於十方。隨應而示現。色相非一種。疏於中分三。初二總顯身光徧應。次七辨其所作。後一結用歸本。

一一微塵內。光明悉充滿。普見十方土。種種各差別。十方諸刹海。種種無量利。悉平坦清淨。帝青寶所成。或覆或傍住。或似蓮華合。或圓或四方。種種衆形相。疏辨所作中分二。初三明光照無遺。法界諸刹土。周行無所碍。一切衆會中。常轉妙法輪。佛身不思議。國土悉在中。於其一切處。導世演真法。所轉妙法輪。法性無差別。依於一實理。演說諸法相。佛以圓滿音。闡明真實理。隨其解差別。現無盡法門。疏後四演法周徧。一徧塵內外法界刹中。二徧佛身中。一切刹內。三明所轉性相。四卽能轉圓音。一切刹土中。見佛坐道場。佛身如影現。生滅不可得。疏後一結用歸本。不可得故。

爾時衆中復有菩薩摩訶薩。名法界普明慧承佛威神觀察十方而說頌曰。

疏第九下方菩薩前名法界光燄慧此云普明卽前光焰十頌讚佛境勝用菩薩能入答神通問文云各各現故。

如來微妙身色相不思議見者生歡喜恭敬信樂法佛身一切相悉現無量佛普入十方界一一微塵中十方國土海無量無邊佛咸於念念中各各現神通疏於中二前三顯佛境勝用先半偈標其體謂妙身色相後二頌半辨其用。

大智諸菩薩深入於法海佛力所加持能知此方便若有已安住普賢諸行願見彼衆國土一切佛神力疏後七菩薩能入謂入佛境界於中三初二具德故知見。

若人有信解及以諸大願具足深智慧通達一切法能於諸佛身一一而觀察色聲無所礙了達於諸境能於諸佛身安住智所行速入如來地普攝於法界疏次三知見成益。

佛刹微塵數如是諸國土能令一念中一一塵中現一切諸國土及以神通事悉現一刹中菩薩力如是。

疏後二結用速疾並可知。

爾時衆中復有菩薩摩訶薩名精進力無碍慧承佛威神觀察十方而說頌曰

疏第十上方菩薩此與前名顛倒而已十頌讚佛圓音現身神變自在答無能攝取問謂此願力普周無能令不取故。

佛演一妙音。

疏於中分三初三頌歎佛圓音雨法德然具十義一唯一妙音一梵音故鈔一梵音故者唯取五天梵音意在一故。

周聞十方刹。

疏二偏聞一切稱法性故鈔二卽此一梵音稱性故徧。

衆音悉具足。

疏三此一卽多事理融故鈔三此一梵音中卽具一切音故疏釋云事理融故一梵音是事事爲理融故一具一切。

法雨皆充徧。

疏四彼一一音雨多法雨鈔四多法雨者隨前一音卽說四諦十二因緣六波羅密因果等法。

一切言詞海。

疏五彼法各具一切文詞。鈔五隨說一法。具多文辭。如四諦品說四諦法。徧周法界。王伴無盡。一切隨類音。

疏六。各同一切衆生之音。鈔六隨前一音一法。各同一切衆生之音。如百道風。各吹多竅。競發異響。前第三。一音具多。是佛音自具。今一具多。是隨一音外同物類。

一切佛利中。

疏七。此音各各徧一切處。鈔七隨一類音各徧

一切處。多類皆爾。

轉於淨法輪。

疏八。所說各顯性淨之理。鈔八唯宣稱性。融差別故。

一切諸國土。悉見佛神變。聽佛說法音。

疏九。各令一切普得見聞。鈔九能令萬類皆得見聞。上之性淨。

聞已趣菩提。

疏十。各各皆得究竟之益。鈔十隨聞大小益。皆究竟。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

疏上之十義。從一妙音展轉開之。具十無盡方。曰圓音。文處可見。鈔文處可見者。上之八義句各一義。唯第九義。具於三句。十亦一句。故十二句。而有十義。

法界諸國土。一一微塵中。如來解脫力。於彼普現身法身同虛空。無礙無差別。色形如影像。種種衆相現。影像無方所。如空無體性。智慧廣大人。了達其平等。佛身不可取。無生無起作。應物普現前。平等如虛空。疏次四。歎佛現身無碍德。初偈解脫力。故現處周細。次偈法身力。故現相卽虛。後二偈以般若德。發

揮前偈。初偈釋下半。言影像者。顯無方所故。謂光東則影西。光西則影東。質對像生來。無所從。質謝像亡。去無所至。故此影像。卽空無體。鈔言影像者。此句<sup>一</sup>。別釋之。離其影像。以爲二喻。影取光影喻。故云光東影西等。然光影喻自有一意。一以若身若樹等。以喻物機。日月之光。以喻佛智。所見之影。喻物色形。如瞿師羅之短質。佛智對之爲三尺之影。無邊身之長質。佛智對之爲窮上界而有餘之影。今不取此義。二質喻法身。無二相故。光喻機感。隨其東西所感異。故影喻色形。隨機感光而

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

東西故。今取此義。云無方所。二以像一種爲鏡像。喻。故云質對像生。無從無去。卽無方所。故此影像下雙結二喻。無方所言。意明空耳。

疏後偈釋上半。言如空者。不可取等故。故雖現形。猶如水月。平等如空。鈔言如空者。等取四義。謂此偈中。五義如空。一不可取。無物可取。智覽無性故。二無生。非從無之有故。三無起作。非新成故。四應物現前。無有一物不對空故。隨器大小。孔隙之異故。五平等。十方虛空皆不可量。三際虛空。同一位故。如來五義者。一離相故。二真常故。三湛寂故。云平等如空。

上三寂然不動。四卽感而遂通。五體相用等。佛佛相望。平等無二故。雖現形者。經云佛真法身。猶若虛空。應物現形。如水中月。此義佛佛平等。是故經云平等如空。

十方所有佛。盡入一毛孔。各各現神通。智眼能觀見。毘盧遮那佛。願力周法界。一切國土中。恒轉無上輪。一毛現神變。一切佛同說。經於無量劫。不得其邊際。疏後三歎佛神變自在德。一則毛孔廣容。二則願能普偏。三舉少況多。又上畧配十句。其中具有四句意。不能繁指。

如。此四天下道場中。以佛神力。十方各有一億世界海微塵數諸菩薩衆。而來集會。

疏第六。大段結通無窮分中。分二。初舉此。


應知一切世界海。一。四天下諸道場中。悉亦如是。疏二。應知下類彼。言四天下者。意在闇浮。言總意別。既以結通菩薩雲集。尤顯上歎是彼十方遠方便竟。鈔既以結通者。謂若是勝音眷屬。何以歎後。結云如此四天下道場中。以佛神力。十方各有。一億世界海微塵數諸菩薩衆。而來集會耶。明知上是十方菩薩歎佛德耳。

能仁寺比丘德高捨淨資八兩四錢三分一

釐刻此

如來現相品伏願法曠彌長。慧光增曜。深達實相。得見如來。





工ノ十四